


元史

一百四十九卷五十四

列傳

卷三十四

柳田文庫
文庫11
D 284
26



文庫 11
D 284
26

傳卷第三十六

元史一百四十九

翰林學士聖天夫知制誥

翰林待制家直郎

棉等奉

勅修

耶律留哥

耶律留哥契丹人仕金為北邊千戶太祖起兵朔方
全人疑遣遺民有他志下令遺民一戶以二女真戶
居防之留哥不自安歲壬申遁至隆安韓州糾結
剽掠其地州發卒追捕留哥皆擊走之因與耶的
勢募兵數月衆至十餘萬推留哥為都元帥耶的
副之營帳百里威震遼東太祖命按陳那衍渾都吉



行軍至遼過之問所從來留哥對曰我奧丹軍也往
附大國道阻馬疲故逗遛於此按陳曰我奉旨討女
真適與爾會庸非天乎然爾欲效順何以爲信留哥
乃率所部會按陳于金山刑白馬白牛登高北望折
矢以盟按陳曰吾還奏當以征遠之責屬爾金人遣
胡沙帥軍六十萬號百萬來攻留哥聲言有得留哥
骨一兩者賞金一兩肉一兩若賞銀亦如之仍世襲
于立留哥度不能敵亟馳表聞帝命按陳字都魯阿
魯都罕引千騎會留哥與金兵對陳于迫吉爾兒留
哥以姪安奴爲先鋒橫衝胡沙軍大敗之以所俘器

重獻帝召按陳還而以可特一副留哥屯其地衆以
遼東未定癸酉三月推留哥一主立妻姚里氏爲妃
以其屬耶厮不爲郡王坡沙伯家奴耶的李家奴等
爲丞相元帥尚書統古與著一撥行元帥府事國號遼
甲戌金遣使青狗誘以重祿使降不從青狗度其勢
不可反臣之金主怒復遣宣撫萬奴領軍四十餘萬
攻之留哥逆戰于歸仁縣北河上金兵大潰萬奴收
散卒奔東京安東同知阿憐一遣使求附於金蓋金
遼東州郡遂都咸平號爲中京金左副元帥移刺都
以兵十萬攻留哥拒戰敗之乙亥留哥破東京可特

哥娶萬奴之妻李儂娥留哥不直之有隙既而耶廝
不等勸留哥稱帝留哥曰向者吾與按陳那衍盟願
附大蒙古國削平疆宇倘食其言而自為皇帝是逆
天也逆天者必有大咎衆請愈力不獲已無疾不出
者與其子薛闊奉金幣九十率金銀牌五百至按坦
李都罕入覲帝曰漢人先納款者先引見大傳阿海
奏曰劉伯林納款最先帝曰伯林雖先然迫於重圍
而來未若留哥仗義效順也其先留哥既見帝大悅
謂左右曰凡留哥所獻白之於天乃可受遂以白氈
蒙於前七日而後納諸庫因問舊何官對曰遼王帝

命賜金虎符仍遣王又問曰籍幾何對曰六十餘萬
帝曰可發三千人為質朕遣之蒙古三百人往取之汝
亦遣人偕往留哥遣大夫七人奴安撫禿哥與俱且命
詰可特哥曰爾妻萬奴之喪悼法尤甚其拘繫以來
可特哥懼與耶廝不等給兵衆曰留哥已死遂以其
衆殺所遺三百人惟三人逃歸事聞帝益益留哥曰
爾母以失衆為憂朕倍此數封汝無吝也革青馬肥
資爾甲兵往取家孳丙子乞奴金山青狗統古與等
推耶廝不僭帝號於澄州國號遼改元天威以留哥
兄獨刺為平章置百官方閱月其元帥青狗叛歸于

金耶廝不為其下所殺推其丞相乞奴監國與其行
元帥鴉兒分兵民為左右翼屯開保州關金蓋州守
將衆家奴引兵攻敗之四哥引蒙古軍數千適至得
元獨刺并妻姚里氏戶一千鴉兒引敗軍東走留哥
追擊之還度遼河格撫州廣寧徙居臨潢府乞奴
走高麗為金山所殺金山又自稱國王改元天德統
古與復殺金山而自立成舍又殺之亦自立成實留
哥引蒙古契丹軍及東夏國元帥胡土兵十萬圍城
舍高麗助兵四十萬克之滅舍自經死徙其屍於高
麗自乙亥歲留哥

東夏覆耶廝不僭號七年

餘日金山二年終亡與
哥復定之庚辰留哥卒年五十六妻姚里氏入奏會
帝征西域皇太弟承制以姚里氏佩虎符權領其衆
者七年丙戌帝還姚里氏携次子善哥鐵哥永安及
從子塔塔兒孫叔國奴見帝于河西阿里湫城帝曰
健鷹飛不到之地爾婦人乃能來耶賜之酒慰勞甚
至姚里氏奏曰留哥既終官民之主其長子薛閣扈
從有年願以次子善哥代之使歸蒙爵帝曰薛閣舍
為蒙古人矣其從之西威也回回圍太子於合
迷城薛閣引千軍救出之身中藥刃於蒲華擗思干

四百六
城與回回格戰傷於流矢以是積功為授都魯不可
還嘗令善哥襲其父爵姚里氏拜且泣曰薛閣者留
哥前妻所出嫡子也且言善哥者婢子所出若立之
是私己而蔑天倫婢子竊以為不可帝嘆其賢給驛
騎四十從征河西賜河西人九口馬九匹白金九
錠幣器皆以九計許以薛閣襲爵而留善哥塔塔兒
友國奴於朝惟遣其季子安從姚里氏東歸丁亥
帝召薛閣謂曰昔女真猖獗爾父起兵自遼東會朕
師又能割愛以爾事朕其情貞懇可尚繼而奸人耶
不等叛人民離散欲食爾父子之肉者今豈無人

十朕以兄弟視爾父則爾猶吾子爾父亡矣爾其與
吾弟孛魯古台並轄軍馬為第三千戶薛閣受命已
丑從太宗南征有功賜馬四百牛六百羊二百庚寅
帝命與撒兒台東征收其父遺民移鎮廣寧府行廣
寧路都元帥府事自庚寅至丁酉連征高麗東夏萬
奴國復戶六千有奇戊戌薛閣卒年四十六子友國
奴襲爵行廣寧府路總管軍民萬戶府事易名石剌
征高麗有功辛亥睿宗以石剌為國宣力者三代命
益命更造所佩虎符賜之佐諸王也苦夏札剌台控
制高麗己未卒年四十五長子古乃嗣中統元年征

河而三年征李壇破嶧山以功皆受賞至元六年朝
廷併廣寧于東京去職是歲卒年三十六子忒哥
闐弟善哥賜名蒙古歹命從親王口温不花己丑從
攻破天城堡鳳翔府以功襲充後都魯壬辰引兵三
千渡河會大軍平金後伐宋授光州棗陽由千戶遷
廣寧尹至元元年卒年五十一子天祐襲廣寧千戶
改廣寧縣尹

劉伯林

劉伯林濟南人好任俠善騎射金末為威寧防
戶至甲歲太祖圍威寧伯林知不能敵乃縋城

門請降太祖許之遣元魯花等與偕入城遂

城降

帝問伯林在金國為何官對曰都提控即以元職授
之命選士卒為一軍與太傅耶律禿懷同征討招降
山後諸州太祖北還留伯林屯天成遣金兵前後襲
十戰進攻西京錄功賜金虎符以本職充西京留守
兼兵馬副元帥癸酉從征山東攻梁門遂城下之乙
亥同國王小華黎攻破燕京丁丑復從大軍攻下山
東諸州木華黎上其功賜名馬二十匹錦衣一襲戊
寅同攻下太原平陽己卯破潞絳及火山聞喜諸州
縣時論欲徙聞喜民責天成伯林以北地喪人虞

於食方爭而止之部曲所獲俘虜萬計悉縱之在威
寧十餘年務農積穀與民休息隣境凋瘵而威寧獨
為樂土嘗曰吾聞活千人者後必封吾之所活何啻
萬餘人子孫必有興者乎辛巳以疾卒年七十二累
贈太師封秦國公謚忠順子黑馬

黑馬名嶷字孟方始生時家有白馬產黑駒故以為
小字後遂以小字行驍勇有志略年幾弱冠隨父征
伐大小數百戰出入行陣略無懼色嘗獨行遇金兵
圍本部十三人即奮劍入圍手殺金兵數人十三人
皆得脫或壬午襲父職為萬戶佩虎符兼都元帥

從國王

攻鳳翔不克回中絳州又字羅

攻西夏唐

申從按真那延攻破東平大乙酉

金降將武

備據真定以叛從李羅討之破真定武僊

遁去金將

從察虎以兵四十萬復取山後諸州黑馬

逆戰隘胡

嶺大破之斬忽察虎歲己丑太宗即位始

立三萬戶

以黑馬為首重喜史天澤次之授金印符

充管把平

陽宣德等路管軍萬戶仍僉太傅府事總

管漢軍從

征回回河西諸國及破鳳翔西河汧州諸

城堡庚寅

睿宗入自大散關假道於宋以伐金命黑

馬先由興

元金房東下至三峯山遇金大將合意與

戰大破之。虜合達斬首萬級，乘勝攻破香山寨及鈞州，賜西錦良馬、貂鼠衣，以旌其功。會增立七萬戶，仍以黑馬為首，重喜、史天澤、嚴實等次之。癸巳，從破南京，賜綉衣、玉帶、甲午，從破蔡州，滅金。乙未，同都元帥答海、紺卜征西川。辛丑，改授都總管萬戶，統西京、河東、陝西諸軍萬戶。夾谷忙古牙、田雄等並聽節制。入覲，帝慰勞之，賜銀鼠皮三百，為直孫衣，尋命巡撫天下，察民利弊，應州郭志全反，脅從誅誤者五百餘人。有司議盡戮之，黑馬止誅其為首者數人，餘悉從寬。癸丑，從憲宗至大盤山，商州與宋接境，數為所

命黑馬守之，宋人斂兵不敢犯。丁巳，入覲，請立成都以圖全蜀，帝從之。成都既立，就命管領新舊軍民，大小諸務，賜號也可禿。立中統元年，庶希憲商擬宣撫川陝，時密力火者握重兵居成都，希憲與擬慮其為變，以黑馬有膽智，使乘驛矯詔，竟誅之。其子訴于朝，世祖諭之曰：「茲朕命也，其勿復言。」三年，命兼成都路軍民經略使。瀘州被圍，黑馬已屬疾，猶親督轉輸，不輟。左右諫其少休，黑馬曰：「國事方急，以此死無憾。」遂卒。年六十三。累贈太傅，封秦國公，謚忠惠。子一二二人。元振元禮顯。

元振字仲舉黑馬長子也隨父入蜀立成都會昌四年
間有警命黑馬鎮商鄧以元振攝萬戶時年十六二
十既蒞事號令嚴明賞罰不妄麾下宿將皆敬服之
憲宗伐宋駐驛釣魚山以元振與紐鄰為先鋒十統
元年世祖即位廉希憲商挺奏以為成都經略使總
管萬戶宋瀘州守將劉整密送款求降黑馬遣元振
往受之諸將皆曰劉整無故而降不可信也元振曰
宋權臣當國賞罰無章有功者往往以計除之是以
將士離心且整本非南人而居瀘南重地事勢與李
公何異整此舉無可疑者遂行黑馬戒之曰劉整宋

之名將瀘乃蜀之衝要今整遽以瀘降情偽不可知
汝無為一身慮事成則為國家之利不成則當效死
乃其分也元振至瀘整開門出迎元振棄衆而先下
馬與整相見示以不疑明日請入城元振釋戎服從
數騎與整聯轡而入飲燕至醉整心服焉獻金六千
兩男女五百人元振以金分賜將士而歸還其男女
宋瀘州主帥俞興率兵圍瀘州晝夜急攻自正月至
五月城幾陷左右勸元振曰申子勢如此宜思變通整
本非吾人與俱死無益也元振曰人以誠歸我既受
其降豈可以急而棄之且瀘之得失關國家利害吾

有死而已食將盡殺所乘馬犒將士募善游者賞蠟
書三成都求援又權造金銀牌分賞有功未幾援兵
至元振與整出城合擊興兵大敗之斬其都統一人
興退走捷聞且自陳擅造金銀牌罪帝嘉其通於權
變賜錦衣一襲白金五百兩入朝又賜黃金五十兩
弓矢鞍轡黑馬卒元振居喪起授成都軍民經略使
至元七年時議以勲舊之家事權太重宜稍裁抑遂
降為成都副萬戶十一年命兼潼川路副招討使十
二年卒年五十一子緝數從父行軍元振卒緝襲職
佩虎符為萬戶守潼川創立遊擊驍山寨從圍釣

山數戰有功攻合州

授潼川路副招討遷副都元

帥復授管軍萬戶遷同知四川西道宣慰司事入朝

進四川西道宣慰使拜西行省參知政事卒

元禮黑馬第五子也性口厚有謀常從父在軍中歲

甲寅授金符為京兆路總魯萬戶中統四年遷興元

成都等路兵馬左副元帥至元元年遷潼川路漢軍

都元帥二年九月宋制置夏貴率軍五萬犯潼川元

禮所領纔數千衆寡不敵諸將登城望貴軍有懼色

元禮曰料敵制勝在智不在力乃出戰屢破之復大

戰蓬溪自寅至未勝負不決激厲將士曰此去城百

里為敵所乘則城不可得入潼川非國家有矣丈夫當以死戰取功名時不可失也即持長刀大呼突入陣所向披靡將士咸奮無一不當百大敗貴兵斬首萬餘級三擒千餘人捷奏賜錦衣二襲白金三錠名馬一匹金鞍轡弓矢召入朝命復還潼川立蓬溪寨元禮又奏嘉定去成都三百六十里其間舊有眉州城可修復之屯兵以扼嘉定往來之路世祖從之四年命平章趙寶臣往視可否或以為眉州荒廢已久立之無關利害徒費財力元禮力爭之寶臣是其言遂興役七日而畢宋人駭其速元禮鎮守眉州二年

入朝乞解官養母從之九年起授懷遠大將軍延安路總管卒

郭寶玉

郭寶玉字玉臣華州鄭縣人唐中書令子儀之裔也通天文兵法善騎射金十不封汾陽郡公諡溫安引軍屯定州歲庚午童謠曰地無言晉至河南平周氏既而太白經天寶玉嘆曰北軍三六六即降三以姓矣金人以獨吉思忠備成極書省領兵築高沙堡會太師木華黎軍忽敗一兵一十餘萬思忠等走寶玉舉軍降木華黎

祖明承中原一京寶玉

對曰中原勢大不可忽也西商諸參軍悍子而宜先
取之藉以圖金必得志焉又言建國之初三須新令
帝從之於是頒條畫五章如軍不得妄殺刑獄惟
重罪處死其餘雜犯量情笞決軍戶蒙吉色目人每
丁起一軍漢人有田四頃人三丁者僉一軍年十五
以上成丁六十破老站戶與軍戶同民匠限地一頃
倡道無益於國有損於民者悉行禁止之類皆寶玉
陳也帝將伐西蕃患其城多依山險問寶玉攻取
對曰使其城在天上則不可取如不在天上至
天下北之授抄馬都鎮無癸酉從木華黎取永

清破高州降北京龍山復帥北馬從錦州出燕南
太原平陽諸州甲戌從帝討契丹遺族歷古徐兗
國北城破其兵三十餘萬寶玉曾中流矢帝
命割牛腹置其中少頃乃蘇尋復載收別失八里別
失蘭等城次忽章河西人列兩陣迎拒戰方酣寶玉
望其衆疾呼曰西陣走矣其兵果走追殺幾盡進兵
下得思于城次暗木河教築十餘壘陳船河中後辰
薄暴起寶玉令發火箭射其船一時延燒乘勝直前
破護岸兵五萬斬大將佐星遂屠諸壘收馬里四城
辛巳可希文國唯筭端罕破乃滿國引兵據得思于

元史卷之三十一
三
聞帝將三寨城南走入鐵門屯大雪山寶王三之遂
奔印度帝駐大雪山前時谷中雪深二丈寶王請封
山川神壬午三月封崑崙山為玄極三大鹽池為惠
濟王從拓栢速不台二女一鋒收契丹渤海等三國有
功累遷斷事官卒于賀正山子德海德山德山以萬
戶破陝州攻潼關卒
德海字大洋資貌亦備亦通天文兵法金末三謀克
擊宋將彭義斌於山東敗之知父寶王北降遁入大
行山大軍至乃出降為抄馬彈壓從先鋒栢栢西征
渡乞則里入海攻鐵山衣幟與敵軍不相辨乃被高

北萬里進軍次答里國悉平之乙酉還至憐山吐蕃
帥尼倫回紇帥阿必丁反復破斬之戊子春從元帥
闊闊出游騎入關中金人閉關拒守德海引驍騎五
百斬關入殺守者三百人直擣凌風渡塞後兵不至
引還己丑秋破南山八十三寨陝西平德海導大將
魁欲那拔都假道漢中歷荆襄而東與金將武僊軍
十萬遇於白河德海提孤軍轉戰僊敗走斬首二萬
餘級復破金移刺粘哥軍于鄧冬十一月至鈞州辛
卯春正月睿宗軍由洛陽來會于三峯山金人濬地

立軍圖之睿宗令軍中祈雪又燒羊胛骨卜得吉兆
夜大雪深三尺濤中軍僵立刀槩凍不能舉我軍衝
圍而出金人死者三十餘萬其帥完顏哈達移刺嵩
兀走匿浮圖上菴海命掘浮圖基出其柱而焚之完
顏斜烈單騎遁洛陽又破金將合喜兵於中牟完
顏斜烈復帥軍十萬來拒戰于鄭先登破之殺其都
尉左崇以功遷右監軍壬辰正月破金師於黃龍岡
癸巳取申唐二州甲午河南復叛德海往討之砲傷
其足以疾歸卒先是太宗詔大臣忽都虎等試天下
僧尼道士選精通經文者千人有能工藝者則命小

通事合住等領之餘皆為民又詔天下置學廩育人
材立科目選之入仕皆從德海之請也子侃

侃字仲和幼為丞相史天澤所器重留于家而教養
之弱冠為百戶驍勇有謀略壬辰金將伯撒復取壽
州侃拒之破其兵四萬於新衛州遂渡河襲金主至
歸德敗其兵於關伯臺即從遠不台攻汴西門金元
帥崔立隆以功授總把從天澤屯太康屢以下德安
功為千戶壬子送兵仗至和林改鈔馬那顏從宗王
旭烈兀西征癸丑至木乃亨其國整道置喜木中侃
破其兵五萬下一百二十八城斬其將忽都答而兀

宋筭灘筭灘華言王也丙辰至乞都卜其城在檐寒
山上懸梯上下守以精兵悍卒乃築夾城圍之莫能
克侃架砲攻之守將十者納突兒開門降旭烈兀遣
侃往說兀魯兀乃筭灘來降其父阿力孫西城侃攻
破之走據東城復攻破殺之丁巳正月至元里兒城
伏兵下令聞鉦聲則起敵兵果來伏發盡殺之海牙
筭灘降又西至阿刺汀破其游兵三萬禡撥答而筭
灘降至乞石迷部忽里筭灘降西戎大國也地方八
千里父子相傳四十二世勝兵數千萬侃兵至破其
兵七萬屠西城又破其東城東城毀宇皆燬以火

舉火焚之香聞百里得琵琶二弦琵琶五尺珊瑚
燈檠兩城間有大河侃預造浮梁以防其遁城破合
里法筭灘登舟觀河有浮梁托之乃自縛詣軍門降
其將紂答兒遁去侃追之至暮諸軍欲頓舍侃不聽
又行十餘里乃止夜暴雨死所欲舍處水深數尺明
日獲紂答兒斬之拔三百餘城又西行三千里至大
房其將住石致書請降左右以住石之請為信然易
之不為備侃曰欺敵者亡軍機多詐若中彼計恥莫
大焉乃嚴備以待住石果深避我師侃與戰大敗之
巴兒筭灘降下其城一百八十五又西行四十里至

密昔兒會日暮已休復驅兵起留斃病卒西行十餘里頓軍下令軍中銜枚轉箭敵不知也潛兵夜來襲殺病卒可乃筭灘大驚曰東天將軍神人也遂降於午旭烈兀命侃西渡海收富浪侃喻以禍福兀都筭灘曰吾昨所夢神人乃將軍也即來降師還西南至石羅子敵人來拒侃直出掠陣一鼓敗之換斯干阿荅畢筭灘降至賓鐵侃以可兵奄擊大敗之加茲筭灘降己未破兀林將兵四萬阿必丁筭灘大懼來降得城一百二十西南至乞里寧忽都馬丁筭灘亦降西域平侃以捷告至金魚山會憲宗崩乃還都門

田立保障世祖即位侃上疏陳建國號築都城立省臺興學校等二十五事及平宋之策其略曰宋據東南以吳越爲家其要地則荆襄而已今日之計當先取襄陽既克襄陽彼揚廬諸城彈丸地耳置之勿顧而直趨臨安疾雷不及掩耳江淮巴蜀不攻自平後皆如其策中統二年擢江漢大都會府理問官二年二月益都李壇及徐州總管李果哥俱反宋夏貴復來犯邊史天澤薦侃召入見世祖問計所出曰羣盜竊發皆柙中虎內無資糧外無救援築城環之坐待其困計日可擒也帝然之勅尚衣弓矢馳至徐斬果

哥夏貴焚廬舍徙軍民南云侃追貴過宿遷縣奪軍
民萬餘人而還賜金符爲祿邳二州總管果哥之弟
驢馬復與夏貴以兵三萬不擾邊境侃出戰斬首千
餘級奪戰艦二百至元二年有言富解史天澤兵權
者天澤遂遷他官侃亦調同知滕州三年侃上言宋
人羈留我使宜興師問罪淮北可立屯田三百六十
所每屯置牛三百六十具計一屯所出足供軍旅一
日之需四年徙高唐令燕治夏津武城等五縣五年
邑人吳乞兒濟南道士胡王反討平之七年改白馬
令僧威羅漢與彰德趙當驥反又平之帝以侃習於
軍務擢爲萬戶從軍下襄陽由陽羅上流渡江江南
平遷知寧海州居一年卒侃行軍有紀律野爨露宿
雖風雨不入民舍所至興學課農吏民畏服子秉仁
秉義

石天應

石天應字瑞之興中永德人善騎射豪爽不羈頗知
讀書鄉里人多歸之太祖時太師國王木華黎南下
天應率衆迎謁軍門木華黎即承制授興中府兵
馬都提控俾從南征天應造戰攻之具臨機應變捷
出如神以功拜龍虎衛上將軍元帥右監軍戍燕天

應旌旗色用黑人目之曰黑軍屢從木華黎大小二百餘戰嘗以身先士卒累功遷右副元帥辛巳秋八月從木華黎征陝右假道西夏自東勝濟河南攻葭州葭之天應因說太師曰西戎雖降實未可信此州當金夏之衝居人健勇倉庫豐實加以長河爲限脫爲敵軍所梗緩急非便宜命將守之多造舟楫以備不虞此萬世計也木華黎然之表授金紫光祿大夫陝西河東路行臺兵馬都元帥以勁兵五千留守葭蘆遂造舟楫建浮橋諸將多言水漲波惡恐勞費無功天應下令曰有沮吾事者斷其舌橋成諸將悅服

先時葭守王公佐收合餘燼攻函谷關將圖復故地及見橋成遂潰去於是分兵四出悉定葭綏之地一日謂木華黎於汾水東木華黎諭以進取之策天應還鎮召將佐謂曰吾累卿等留屯於此今聞河東西皆平川廣野可以駐軍規取關陝諸君以爲如何或諫曰河中雖用武之地南有潼關西有京兆皆金軍所屯且民新附其心未一守之恐貽噬臍之悔天應曰葭州正通廊延今廊已平延不孤立若發國書令夏人取之猶掌中物耳且國家之急本在河南此州路險地僻轉餉甚難河中雖迫於二鎮實用武立功

之地北接汾晉西連同華地五千餘里戶數十萬若
起漕運以通餽餉則關內可尅期而定關內既定長
河以南在吾目中矣吾年垂六十老耄將至一旦卧
病床第聞後生輩立功名死不瞑目矣男兒要當死
戰陣以報國是吾志也秋九月遂移軍河中既而金
軍果潛入中條襲河中天應知之先遣驍將吳澤伏
兵要路澤勇而嗜酒是夕方醉卧林中金兵由間道
已直抵城下時兵燼後守具未完新附者爭繼而奔
敵乘隙入天應見火舉知敵已入奮身角戰左右
者四十餘騎皆曰吳澤誤我成勸西渡河天應曰

先時人諫我南遷吾違衆

以事急棄去是不武

也縱太師不罪我何面目

同列乎今日惟死而

已汝等勉之少頃敵兵四

應飲血力戰至日午

死之木華黎聞而痛惜焉子煥中知興中府事執中

行軍千戶受中興中府相副官初天應死事時第天

焉子佐中在軍中同敵少懈倒抽其斧及斫之突城

而出趨木華黎行營求得蒙古軍數千回與敵戰敗

之木華黎嘉其勇奏授金符行元帥尋詔將官各就

本城授興中府千戶子安玳襲職佩金符從征大理

討李壇皆有功十三年隆興之分寧叛行省檄安玳

元史列傳卷之六十一
六十一
討之賊背山而陣安琬引兵出陣後賊驚潰退而距
守安琬揮兵直抵壘門賊揚言曰願少容行伍而戰
死且不憾安琬從之賊果出陣安琬突陣而入大呼
曰吾止誅賊首庸卒非我敵也手刃中賊背生擒之
累功至右衛親軍副都指揮使進階懷遠大將軍賜
金虎符後授大同等處萬戶領江左新附卒萬人屯
田紅城大德三年李萬戶當戍和寧親老且病安琬
請代其行及還以病卒子君謙襲職後改忠翊侍衛
親軍都指揮使

移刺涅兒

移刺涅兒契丹人也幼有大志膂力過人沉毅多謀
畧遼亡金以為參議留守等官皆辭不受聞太祖舉
兵私語所親曰為山復離此其時也率其黨百餘人
詣軍門獻十策帝召見與語奇之賜名賽因必闍赤
又問爾生何地對曰霸州因號為霸州元帥乙亥拜
兵馬都元帥佐太師木華黎取北京下高利與松義
錦等二十六城破五十四寨平利州賊劉四祿及錦
州賊張致兵勢方熾且盜名號木華黎命涅兒與大
將烏也兒相幹兒合兵討之致拒戰涅兒出奇兵掩
擊斬致木華黎第功以聞遷龍虎衛上將軍兵馬都

提控元帥繼取遼東西廣寧金復海蓋等十五城與
 州監州重兒反復與烏也鬼討平之帝遣使者詔之
 曰自汝効順戰功日多今錫汝金虎符君則理民有
 事則將其勿替朕意戊寅從攻東平辛巳從攻延安
 壬午從圍鳳翔先登手殺數十人左臂中流矢創甚
 裹創進攻丹延木華黎止之對曰創未至死敢自愛
 耶木華黎壯之與所乘白馬明日介其馬飾以朱纓
 簡驍衛七百人與金兵戰木華黎乘高見其馳突萬
 眾中曰此霸州元帥也諸軍繼進金兵敗走丹延十
 餘城皆降遷軍民都達魯花赤都提控元帥兼興勝

府尹癸未從帝征河西取甘肅各辛蛇等州師還後從
 木華黎攻益都下萊膠淄等三十二城戊子得疾歸
 高州卒贈推忠宣力保德功臣太尉開府正同三司
 上柱國追封興國公謚武毅子買奴小能襲
 買奴蚤從父習戰陣初入見太祖問曰汝顧左右
 父爵乎對曰臣年雖小國法不小帝異其無征行
 曰此兒甚肖乃父以為高州等處達魯花赤都殞於
 萬戶庚寅命攻高麗花涼城監軍張翼劉翥之誅首
 敵買奴怒曰兩將陷賊義不獨生趨出戰破之城中
 將撫安其民進攻開州州將金沙密逆戰擒

元史列傳卷三十一
人出童男女及金玉器以獻卻不受遂下龍宣雲泰
等十四城癸巳從諸王按赤台征女直萬奴部有功
未幾召還興州趙祚反土豪楊買驢等附之帝命從
親王察合台帥師討之斬賊將董蠻等圍買驢於險
樹寨三月不能下買奴令健卒劉五兒即寨北小徑
上大樹以繩潛引百人登寨直前劫之買驢畏死
餘黨悉平太宗即位錄功賜金鞍良馬乙未從征高
麗入王京取其西京而還賜金鎖甲加鎮國上將軍
征東大元帥佩金符復命出師高麗將行以疾卒
年贈推誠效義功臣榮祿大夫平章政事追

公謚顯懿子元臣

元臣別名哈刺哈孫年十六入宿衛應對進止有度
世祖謂丞相和魯火孫曰此勲臣子非凡器也以爲
怯薛必闡赤襲千戶將其父軍從伐宋攻淮西成清
口取瓜洲下通泰累有功至元一二年從丞相伯顏
平宋進階武義將軍中衛親軍總管佩金虎符十四
年只兒瓦台叛圍應昌府時皇女魯國公主在圍中
元臣以所部軍馳擊只兒瓦台敗走追至魚兒濛擒
之公主賜賚甚厚奏請暫留元臣鎮應昌以安反側
居一歲召至京師遷明威將軍後衛親軍副都指揮

使還鎮應昌又三歲召還加贈勇大將軍十九年帝以所籍入權臣家婦賜之元臣辭曰臣家世清素不敢自污帝嘉美不已二十二年進昭毅大將軍同食江淮行樞密院事行院罷歸高州帝親征乃顏元臣率家僮五十人見行在所願效前驅八年移食湖廣行樞密院時溪洞施容等州蠻獠作亂元臣親入其境諭以禍福賊首魯萬丑降三十年卒于官贈安遠功臣龍虎衛上將軍同知樞密院事追封興國公志靖子迪中奉大夫湖廣宣慰使都元帥

耶律禿花禿滿谷兒

古帶

禿花契丹人世居桓州太祖時率衆來歸大軍入金境爲嚮導獲所牧馬甚衆後侍太祖同飲班木河水從伐金大破忽察虎軍又從木華黎收山東河北有功拜太傅總領也可那延封濮國公賜虎符銀印歲給錦幣三百六十疋統萬戶扎剌兒劉黑馬等七人澤伐金卒于西河州子朱哥嗣仍統劉黑馬等七萬戶與都元帥塔海紺下同征四川卒于軍子寶童嗣以疾不任事朱哥弟買住嗣而以寶童充隨路新軍總管買住言於憲宗曰今欲略定西川下流諸城當先定成都以爲根本臣請往相其地帝從之遂率

諸軍往成都及嘉定未下而卒子忽林帶嗣總諸軍
立成都府率一軍以元百家奴嗣自朱哥至百家奴
並襲太傅總領一軍以元百家奴嗣自朱哥至百家奴
忽林帶之兄也嘗留中書後百家奴解兵柄為他
官乃授成都守軍萬戶代將其軍至元十一年從忽
敦攻嘉定修葺康寨以守之十二年從汪田哥攻九
頂山破之授都統一人嘉定降從忽敦徇下瀘叙諸
城圍重慶守合江口又以舟師塞龍門濠逼其援兵
十三年瀘州叛從汪田哥攻之重慶遣兵援瀘邀擊
之獲七十人瀘堅守不下禿滿答兒夜率兵攻瀘

水城以進黎明先登入瀘城克之斬其將王世昌李
都統復從不花圖重慶守將張珏搏戰敗之城下重
慶降賜虎符授夔路招討使遷四川東道宣慰使仍
兼夔路招討改同僉四川等處行樞密院事遷四川
等處行中書省左承尚書省立改行尚書省左丞進
右丞卒忙古帶寶童之子也世祖時賜金符襲父職
為隨路新軍總管統領山西兩路新軍從行省也遠
帶兒征蜀及思播建都諸蠻夷有功陸萬戶從攻羅
必甸至雲南詔以其衆入緬迎雲南王金齒白衣答
奔諸蠻往往伏險要為備忙古帶奮擊破之九十餘

戰至緬境開金齒道奉王以還遷副都元帥從諸王
阿台征交趾至白鶴江與交趾僞昭文王戰奪其戰
艦八十七艘又從雲南王攻羅必甸破之二十九年
入魏成宗即位授烏撒烏蒙等處宣慰使兼管軍萬
戶遷大理金齒等處宣慰使都元帥六年烏撒羅羅
斯叛雲南行省命率師討平之事聞賜鈔三千貫銀
五十兩金鞍轡及弓矢以旌其功九年討普安羅雄
州叛賊阿填擒殺之進驃騎衛上將軍遙授雲南諸
路行中書省左丞行大理金齒等處宣慰使都元帥
卒于軍至大四年贈龍虎衛上將軍平章之事仍追

王璠國公諡威愍子火你赤襲萬戶

王珣子榮祖

王珣字君寶本姓耶律氏世為遼大族金正隆末契
丹窩斡叛祖成從母氏避難遼西里姓王氏遂為義
州開義人父伯俊伯父伯無子以珣為後珣武力
絕人善騎射尤長於擊鞠年三十餘遇道士謂珣曰
君之相甚奇它日因一青馬而貴珣未之信居歲餘
有客以青馬來鬻珣私喜曰道士之言或驗乎乃倍
價買之後乘以戰其進退周旋無不如意又嘗行凌
水濱得一古刀其背銘曰無不克動必成功常佩

之每有警必先鳴故向皆獲初河朔兵動豪強各
擁衆據地珣慨然曰故如此大丈夫當自振拔否
則爲人所制乃召諸人諭以保親族之計衆從之
推珣爲長旬月之間聚集遺民至十餘萬歲乙亥太
師木華黎略地突雲珣率吏民出迎承制以珣爲元
帥兼領義川二州事丙子春張致僭號錦州陰結開
義楊伯傑等來掠義州珣出戰伯傑引去會致兄子
以千騎來衝珣選十八騎突其前復令左右犄角之
一卒以鎗刺珣珣揮刀殺之其衆潰走獲其馬幾盡
時與中亦叛木華黎聞之召珣以全軍來會致竟親

夜襲之家人皆避害及與中平珣無所歸遂棄
去留之與中遣其子宋祖馳奏其事帝諭之曰汝父
子宣力我家不意爲張致所襲歸語汝父善撫其軍
自今以往當忍耻蓄銳俟造黨平彼之族徧城邑人
民一以付汝吾不吝也仍免徃賦五年使汝父子世
爲大官珣以木華黎兵復開義擒伯傑等殺之進攻
錦州致部將高益縛致妻子及其黨千餘人以獻木
華黎悉以付珣珣但誅致家其餘皆釋之始還義州
丁丑入朝帝嘉其功賜金虎符加金紫光祿大夫兵
馬都元帥鎮遼東便宜行事兼義川等州節度使

貌黑人呼為哈刺元帥哈刺中國言黑也從木華黎
兵略山東至滿城令還鎮戒之曰彼新附之民恃山
海之險反覆不常非盡坑之終必為變對曰國朝經
略中夏宜以恩信結人若降者則殺後寧復有至者
乎遂還以子榮祖代領其眾甲申春正月卒年四十
八詢為政簡易賞罰明信誅強撫弱毫髮無徇子四
人榮祖襲

字敬先珣長子也性沉厚語音如鍾勇力絕人
於木華黎以榮祖為質稍見任用珣卒龍
宗義軍節度使義州管内觀察使從嗣國

字魯太朝帝聞其勇選力士三人迭與之得皆應手
而倒欲留置宿衛會金平章政事葛不哥行省於遼
東咸平路宣撫使蒲鮮萬奴僭號於開元遂命榮祖
還副撒里台進討之拔蓋州宣城等十餘城葛不哥
走死金帥郭琛完顏曳魯馬趙遵李高奴等猶據石
城復攻拔之曳魯馬戰死遵與高奴出降虜生口十
餘撒里台欲散於麾下榮祖屢請皆放為民方城未
下時榮祖遣部卒賈實穴其城城崩被壓衆謂已死
弗顧也榮祖曰士忘身死國安忍棄去發石取之者
生一軍感激樂為効死有言義人懷反側者撒里台

將屠之榮祖馳驛奏辨事乃止己丑授北京等路行萬戶換金虎符伐高麗圍其王京高麗王力屈遣其兄淮安公奉表納貢進討萬奴擒之趙祚以興州叛從諸王按只台平之祁黨猶剽掠景蕪間復從大將唐兀台討之將行榮祖曰承詔討逆人耳豈可戮及無辜宜惟抗我者誅大將然之由是免死者衆焉從征高麗破十餘城高麗遣子縛入質帝賜錦衣其功又從諸王也忽略地三韓降天龍諸堡皆焚掠民悅服之破五里山城請於主將全其民遂下子城竹林寨苦告數帝嘉其功賜以金幣官其

興于戶仍賞其部曲移鎮高麗平壤帝遣使諭之曰彼小國負險自守釜中之魚非久自死緩急可否卿當熟思榮祖乃募民屯戍關地千里盡得諸島嶼城壘高麗遣其世子僉出降遂以僉入朝中統元年夏詔榮祖詣闕帝撫慰之曰卿父子勤勞於國誠節如一進沿邊招討使兼北京等路征行萬戶賜寶鞍弓矢還鎮以病卒年六十五子十三人顯者六人通興中府尹泰權知義錦川等州總管與征東千戶遇裏陽路管軍萬戶達東京五處征行萬戶廷鎮國上將軍中衛親軍都指揮使璉江西湖東道提刑按察使

能復之及長勇力過人善騎射多智客蒙服諸部金
人聞其名徵爲奚部長即讓其兄贍德納曰兄姑受
之爲保宗矣計遂深自藏匿居北野山射狐兔而食
聞太祖起朔方匹馬來歸首言東京爲金開基之地
蕩其根本中原可傳檄而定也太祖悅命從太師國
王亦華烈取東京臨逼臨洺改高州亦華烈令也先
率千騎爲先鋒也先曰兵貴奇勝何以多爲謀知金
人新易東京留守將至也先獨與數騎邀而殺之懷
其所受詔命至東京謂守門者曰我新留守也入據
其府吏列兵於城角謂吏以建備對也先曰

朝廷來中外晏然柰何欲陳兵以動搖人心乎即命
撤守備曰寇至在我無勞爾輩是夜下令易置其將
佐部伍三日亦華烈至入東京不費一矢得地數千
里戶十萬八千兵十萬資糧器械山積降守臣寅答
虎寺四十七人定城邑二十二金人喪其根本之地
始議遷河南歲乙亥移師圍北京城久不下及城破
將屠之也先曰三師逐人水火彼既降而復屠之則
未下者人將死守天下何時定乎因以上聞赦之授
御史大夫領北京達魯花赤時石天應與豪酋數十
議與中府也先分兵降之奏以爲與中尹又命也先

劉駘忽闕閣里必監張鯨等軍征燕南未下州郡至
平州鯨稱疾不進也先執鯨送行在所帝責之曰朕
何負汝鯨對曰臣實病非敢叛帝曰今呼汝弟致為
責當活汝鯨諾而宵遁也先追戮之致已殺使者應
三兄矣致既伏誅也先籍其私養敢死之士萬二千
八元黑軍者上于朝賜虎符進上將軍以御史大夫
提控諸路元帥府事舉遼水之西灤水之東悉以付
之後從國王木華黎攻蘇州北城先登中石死時年
四十一子四人曰查剌曰威錫曰博羅曰侃查剌亦
善射襲御史大夫領黑軍戊寅從木華黎攻平陽太
原隰吉岢嵐關西諸郡下之攻益都久不下及降
衆欲屠其城查剌曰殺降不祥且得空城將安用之
由是遂免己卯詔以黑軍分屯真定固安太原平陽
隰吉岢嵐諸郡及南征盡以黑軍為前列敗金將白
撒官奴于河渡河再戰盡殺之長驅破汴京入自仁
和門收圖籍而還帝悉以諸俘獲賜黑軍癸巳從
國王塔思江金帥宣撫萬奴於遼東之南京先登衆
軍乘之而進遂克之王解錦衣以賜辛丑太宗嘉其
功授真定北京兩路達魯花赤癸卯卒于柳城年四
十四子庫祿滿襲職中統三年從征李壇中流矢卒

子良薰襲黑軍總管至元十七年以功累陞昭毅大將軍沿海副都元帥二十一年改沿海上副萬戶大德十一年告老子繼祖襲萬戶咸錫之子度刺攻樊城戰死贍德納後亦棄金官來歸為別失八里達魯赤卒其孫亦刺馬丹仕至遼陽省左丞亦刺馬丹子倉赤為湖廣行省平章政事

何伯祥

子昂

何伯祥易州易縣人幼從軍金從張柔來歸太祖定河朔惟保定王子昌信安張進堅守不下子昌人子也柔命伯祥取之兵逼其城子昌出是追及之

伯祥執槍馳馬子昌反射之中手而貫槍伯祥拔矢棄槍策馬直前徒手搏之擒子昌進聞之亦遁去伯祥遂攻西山諸寨悉平之後攻汴梁拔洛陽圍歸德破蔡州論功居多授易州等處軍民總管丁酉從主帥察罕伐宋伯祥拔三十餘柵獲戰艦千餘艘又破芭蕉望鄉大洪張家等寨獲甚眾器械山積察罕以其功聞賜錦衣金甲壬子諸軍入宋境察罕自他道還諸軍倉皇失措伯祥曰此必為敵所遏不若出其不意而逐深入其地彼不我測乃可出也遂率兵突戰直抵司空寨疏布營壘陵高伐木為攻取勢

既夜命為五營營火十炬伏精銳于營側險要之地
天將明令士卒速行而鳴鼓其後宋兵果來追伏發
驚駭潰去追擊大破之轉戰百餘里他軍不能歸者
皆賴以出帝聞之賜金二百兩世祖南伐伯祥參預
軍事多所獻納卒于軍贈儀周二司大保止在國追
封易國公謚武昌子瑋

瑋始襲父職知易州兄行軍千戶卒瑋復襲之鎮高
州從圍襄樊宋將夏貴率舟師來救瑋時建營於
水上當其衝貴兵縱火焚北關遂進逼瑋萬戶脫

瑋入城瑋曰建功立業此其時也何避

卒其衆誓以死戰開營門以身先之貴敗走至元
十一年丞相伯顏受命伐宋辟瑋為帳前都鎮撫師
次陽羅堡夏貴率戰艦列江上下瑋從元帥阿木率
衆先渡諸軍繼之貴復敗走宋丞相賈似道率舟師
拒于丁家洲瑋將勇敢士出戰奪舟千餘艘似道遁
去授武德將軍管軍總管佩金虎符宋既平進懷遠
大將軍太平路軍民達魯花赤俄陸昭勇大將軍行
戶部尚書兩淮都轉運使至元十八年擢參議中書
省事二十年擢為江浙按察使二十二年改大名路
總管二十八年遷湖南宣慰使三十一年拜中書參

知政事時宰執凡十一人瑋曰古者一相專任賢也
今宰執負多政出多門轉相疑忌請損之不從遂乞
代大德四年授侍御史以母病辭七年授御史中丞
陳當世要務十條成宗嘉納之京師孔子廟成瑋言
唐虞三代國都閭巷莫不有學今孔廟既成宜建國
學於其側從之賽典赤八都高等還自貶所復相位
言姦黨不可復用宜選正人以居廟堂帝深然之
察御史郭章劾即中哈刺哈孫受賊具服而哈刺
哈孫密結權要以枉問誣章瑋率臺臣入奏辯論劄
劄章遂得釋九年冬將有事于南郊議祀享瑋曰

天萬世不易不果行成宗崩丞相阿忽台奉
旨集廷臣議祔廟及攝政事瑋難之阿忽台變色
曰中丞謂不可行獨不畏死耶衆皆危懼瑋從容曰
死畏不義耳苟死於義夫復何畏未幾以疾去位武
宗即位于上都授太子副詹事遣使促復就職復遣
授平章政事商議中書省事武宗至自上都臨朝問
曰孰爲何中丞瑋出拜帝曰朕知卿能以忠直爲國
朕有不逮卿當勉輔至大元年遷太子詹事兼衛率
使俄拜中書左丞仍平章政事商議中書省事未幾
擢河南行省平章政事佩金虎符提調屯田事帝召

至搆前而諭曰汴省事重屯田久廢卿當爲國竭力
賜黑貂裘一錦衣二襲璋至汴建諸葛亮祠立書院
以地三千畝贍之三年改河南行尚書省平章政事
卒贈太傅開府儀同三司上柱國追封梁國公謚文

李守賢

守賢字才叔大寧魏州人也祖小字放軍嘗從金
討攻宋淮南飛石傷髀錄功賞生口七十主將分命
所掠俘苟有失亡者罪死放軍嘗殺五百人
去金大安初守賢暨兄庭植守正守忠

九伯通伯溫歸款於太師國王木華黎入朝太祖于
行在所即命庭植爲龍虎衛上將軍右副元帥宗義
軍節度使守賢授錦州臨海軍節度觀察使弟守忠
爲都元帥守河東朝廷以全晉爲要害之地人心危
疑未定非守賢鎮撫之不可乃自錦州遷河東南路
兵馬都總管既至河東人告曰吾等可恃以生矣歲
戊子朝于和林加金紫光祿大夫知平陽府事蓋本
路兵馬都總管宣太宗南伐道平陽見田疇不治
以問守賢對曰民貧窘乏耕具致然若給牛三頭仍
後關中生口墾地河東幸仰平陽當移粟萬石輸雲

中守賢奏以百姓疲敝不任輓載帝嘉納之時河中
未下守賢建言以為將士逗留沮撓多所傷損臣請
自北面營城先登如其言城果下遂構浮橋明年蒲
津南濟潼關二月大破趙雄兵于芮城時方會師圍
汴留守賢也高汝全兵十餘萬保少室山太平寨
守賢以三千人介其中度其帥完顏延壽無守禦
之才癸巳正月望夕延壽擊鼓為嬉守賢潛遣輕
捷者數十人緣崖蟻附以登殺其守卒遂大縱兵
入破之下令禁無抄掠悉收餘眾以歸不兩旬而
牙蘭若香爐諸寨皆望風俱下守賢未嘗立

殺一人及攻河南其渠魁強元帥者以其眾出奔
守賢追及降之秦監帥王祐死眾數萬據魏之南
山守賢使人賁祐素憚守賢威畧即以所部來
附關東洛而遂定甲午冬十月辛酉年四十六子殺
嗣歲丁酉從太師塔海緝布征蜀漢有功明年攻
碉門又明年下萬州會戰於瞿塘獲戰艦千餘艘
辛丑朝行在所授河東道行軍萬戶兼總管己巳
進兵攻成都由廣元出葭萌度木瓜成蜀之餘孽
團聚為梗聞毅至潛為伏以待毅謀知之令眾銜
枚疾進出其不意賊兵敗走長驅至成都破之

于襲嘉定戊午秋憲宗肅伐己未入梁州師次江上
造舟為梁以通援兵且斷宋人往來之路會江漲
梁中絕宋將率舟師萬艘逆戰毅以一卒先犯之
諸軍繼進遂破之明日帝召謂諸將曰汝輩平日自
負驚勇及臨敵不能為朕立尺寸功獨李毅身犯
矢石摧鋒陷陣視敵無如言勇者如毅乃可耳賜
白金二百五十兩中統三年改河東路總管佩
虎符移京兆路加昭勇大將軍未幾轉洛磁路
元七年正月卒年四十九子十一人伯溫見忠

耶律阿海

耶律阿海遼之故族也金
奏事官盼迭兒之子也阿
善騎射通諸國語金季選
常因進言金國不治戎備
曰汝肯臣我以何為信阿
年復出使與弟禿花俱往
直宿衛阿海得參預機謀
戊王可汗叛盟謀襲太在
者飲辨乞河水為盟阿海
太祖與宗親大臣同休戚
出入戰陣常在左右歲壬
海對曰願以子弟為質明
德勢加厚遂以禿花為質
健王可汗見太祖姿貌異
俗古條肆二可立待帝喜
極州君撤八兒之孫尚書
海天贊權毅勇畧過人兀
耶律阿海遼之故族也金

金人許其使又不還拘索屬于漢阿海殊不介意攻
戰愈厲帝聞之妻以貴臣之女給戶俾食其賦癸亥
冬進攻西夏諸國思有功丙寅帝建龍旗即大位敕
左帥賢別略地漢南阿海為先封辛未破烏沙堡屢
戰宣平大捷澮河遂出居庸耀兵燕北癸酉拔宣德
德與乘勝攻北口闡別攻下紫荊關阿海奏曰好生
乃聖天之天德也興創之福願止殺掠以應天心帝
嘉納焉遂分兵略燕西山東諸郡還駐燕之近郊金
王懼請和諭其使曰阿海妻子何故拘繫弗遣即送
中書省事封禿花為太傅濶國公每宴享必賜坐命
禿花從木華黎取中原河海從帝攻西域但其酋長
只闡禿下蒲華尋斯干等城留監尋斯干專任撫綏
之責未幾以疾薨于位年七十三至元十年進封忠
武公子三人長忙古台次綿思哥次捏兒哥忙古台
在太祖時為御史大夫佩虎符監戰左副元帥官金
紫光深大夫管領契丹漢軍守中都招安水泊等處
卒無子捏兒哥在太祖時佩虎符為右丞行省遼東
萬奴叛舉家遇害綿思哥襲太師監尋斯干城父之
請還內郡守中都路也可達魯花赤佩虎符卒子二

元史卷一百一十五

三

人買哥通諸國語太祖時
中都之職時供億浩繁皇
之事願賜銀萬兩戊午從
妻移剌氏以哀毀卒特贈
按察使入為中書左丞驢
才南院軍都指揮使至元
命驢為居其父位次賜以
有戰功以老乞骸骨子六
書在丞文謙興國路總管
北使使虎都不花
名文炳湖州府知府

人五副總管

何實

何實字誠卿其先北京人曾祖博霄雄於實好施與
鄉里以善人稱祖鼎敬父道忠仕金為北京留守實
少孤依叔父居氣節不九家人常入卧內見一青蛇
蜿蜒衣被中駭而視之乃實也及長通諸國譯語曉
勇善騎射個儻不羈遠近之民慕其雄畧咸歸心焉
歲乙亥中原盜起錦州張鯨自立為臨海郡王遣使
納款于太祖尋以叛伏誅鯨弟致初以叛謀於實實
厲聲叱曰天之曆數在朔方汝等恣為不軌徒自焚

耳乃籍戶口一萬募兵二千丙子春來歸大將木華黎與論兵事奇變百出拊髀放躍大加稱賞遂引見太祖獻軍民之數帝大悅賜鞘劍一命從木華黎選充前鋒時張致復據錦州實與賊遇於神水縣挺身陷陣殊死戰殺三百餘人獲戰馬兵械甚衆木華黎奏賜鞍馬弓矢以勸之以功爲懷前軍馬都彈壓詔封木華黎太師國王東下齊數郡使實帥師四千取燕南齊西之地首襲邢州徇趙郡取魏鄴下博關冀曹濮恩德泰安濟寧勢如破竹薄濰州與木華黎會進兵馬都鎮撫從取大同鴈門石隰等州悉平之

兵掠太原平陽河中京北諸城所向欵附木華黎錄其功表實爲元帥左監軍癸未木華黎卒子孛魯嗣武仙復叛據邢實帥師五千圍之立雲梯先士卒登堞橫稍突之城破武仙走逐北四十里大破之斬首二百餘級是夜仙黨遁去實下令敢有擅剽掠者斬軍中肅然士民按堵孛魯命戍于邢多著善政邢民敬之如神明甲申孛魯征西夏以實分兵攻汴陳蔡唐鄧許鈞雜鄭亳穎所至有功計勳首一千五百餘級俘工匠七百餘人孛魯復命駐兵邢州分織匠五百戶置局課織丁亥賜金虎符便宜行元帥府事邢因

武河之亂歲屢饑請移匠局于博字魯從之憫其勞
瘁使勿出征更檄東平嚴實與之分治軍民事博值
兵火後物貨不通實以絲數印置會子權行一方民
獲實遷之利庚寅有旨收諸將金符乙未字魯以實
子中澤為質子丁酉太宗數召入見實貢金幣紋綺
三匪次陵州遇寇實與左右射之斃二亡餘人生獲
十餘人朝于帳殿帝歡甚問遇盜之故命所獲寇等
殺仍以賜實是日賜坐與論軍中故事良久曰惡卿
效力有年朕欲授以征行元帥後當重任實扣頭
曰小臣被堅執銳從事鋒鏑二十餘年身被十餘

右臂不能舉已為廢人矣臣不敢命願辭監軍之
職幸得元佩金符督治工匠歲獻織幣優游以終其
身於臣足矣帝默然不悅令射以觀其強弱實不能
射命入宿衛密使人覘之實臂果不能舉固辭十餘
始可其奏遂錫宴取金符親賜之授以漢字宣命充
御用局人匠達魯花赤子孫世其爵更賜白貂帽減
鐵繫腰繫衣一襲弓一矢百遺歸丁巳卒于博子九
人孫一七人子崇禮授應奉翰林文字從仕郎同知
制誥兼國史院編修官

齊和尙後都

郝和尚拔都太原人以小字行幼爲蒙古兵所掠在
郡王迄忒麾下長通譯語善騎射太祖遣使宋往返
數四以辨稱歲戊子以爲九原府主帥佩金符庚寅
率兵兩伐畧地潼陝有功辛卯授行軍千戶乙未從
皇子南伐至襄陽宋兵四十萬逆戰漢水上領先鋒
數百人直前衝其陣宋兵大潰丙申從都元帥塔海
征蜀下興元宋將王連以重兵守劔閣乃募敢死士
十二人乘夜破關入蜀諸城悉下明年取夔府抵大
江末兵三十萬軍於南岸郝和尚拔都選驍勇九人
乘輕舸先登橫馳陣中旣出復入宋兵不能支由是
以善戰名庚子歲太宗於行在所命解衣數其瘡痕
二十一嘉其勞進拜宣德西京太原平陽延安五路
萬戶易佩金虎符以兵二萬屬之復賜馬六騎金錦
弓鎧有差甲辰朝定宗於宿斃都之行宮賜銀萬錠
辭以賞過厚臣不應獨受臣得效微勞皆將校協力
之功遂奏將校劉天祿等十一人皆賜之金銀符戊
申奉詔還治太原請凡遠道租稅監課過重者悉蠲
除之歲饑出白金六十錠粟千石羊數千以助國用
己酉陞萬戶府爲河東北路行省得以便宜從事凡
四年壬子三月卒追贈太保儀同三司冀國公諡忠

定子十二人長天益佩金符太原路軍民萬戶都總
管次仲威襲五路萬戶扎刺不花鎮寧都元帥軍民
宣慰使天舉大都路總管兼府尹天祐陝西奧魯萬
戶天澤夔州路總管天麟京兆等路諸軍奧魯萬戶
天挺河南江北行中書省平章政事

趙璿

趙璿雲中蔚州人父昆仕金為帥府評事兄珪以萬
戶守飛狐城歲庚午昆卒珪輦其母如蠡州留璿於
飛狐璿自幼不羈閑習武事癸酉太祖南伐先鋒至
飛狐城中不知所為璿詣縣曰大兵壓境不降何待

從之丁丑太師國王木華黎駐兵相州署為百戶
從攻蠡州金兵閉城拒守國王以珪將石抹也先戰死
王怒將屠其城璿泣曰母與兄在城中乞以一身贖
一城之命哀懇切至國王義而許之從攻相州拔其
門死士突出璿直前擊之流矢中鼻側鏃出腦後拔
矢再戰七日破其城論功授冀州行軍都元帥佩金
虎符璿讓其兄珪朝廷從之改授璿軍民總管稍遷
易州達魯花赤佩金符太宗下河南璿自易州馳驛
輸矢二十餘萬至行在帝大喜命權中都省事癸巳
趙瑒據興州叛璿進軍瑒之遷中山真定二路達魯

夜赤中統元年詔立十道宣慰司以瑁為順天宣慰使至元元年轉淄萊路總管六年改太原路總管十二年陞燕南道提刑按察使十四年遷河南道十六年致仕明年卒年八十皇慶元年贈儀同三司太保上柱國追封定國公謚襄穆子秉溫

秉溫事世祖潛邸命受學於太保劉秉忠從征吐蕃雲南大理中統初詔行右三部事至元七年創習新儀閱試稱旨授尚書禮部侍郎知尚儀司事明年授書少監購求天下秘書十九年遷禮文館大學士知太史院侍儀司事授時曆成賜

大夫二十九年編國朝集 成帝特命其子慧襄侍儀使皇慶元年贈金紫光祿大夫 司徒雲國公謚文昭子慧後仕至昭文館大士

石林明安

石林明安桓州人性寬厚不拘小節為童子時嘗騎杖為馬令群兒前導行列盡肅無喧譁者父老見而異之曰是兒體貌不凡進退有節他日必貴既長歎曰士生于世當立功名書竹帛以傳無窮寧肯碌碌無聞與草木同腐邪歲壬申太師率師攻破金之撫州將遂南向金主命招討統石九斤來援時明

安在其麾下九斤謂之曰汝嘗使北方素識蒙古國
主其往臨陣問以舉兵之由不然即誦之明安初如
所教俄策馬來降帝命縛以俟戰事問之既敗金兵
召明安詰之曰爾何以詈我而後降也對曰臣素有
歸志向爲九斤所使恐其見疑故如所言不爾何由
善奉天顏帝善其言釋之命領蒙古軍撫定雲中東
西兩路既而帝欲休兵於此明安諫曰金有天下
十七路今我所得惟雲中東西兩路而已若置不
管彼成謀併力而來則難敵矣且山前民庶久不
安今以重兵臨之傳檄可定兵貴速豈宜猶豫

之即命明安引兵南進所至民皆具簞食壺漿以
迎盡有河北諸郡而還帝復命明安及三合拔都將
兵由吉北口徇景薊檀順諸州諸將議欲屠之明安
奏曰此輩當死今若生之則彼之未附者皆聞風而
自至矣帝從之乙亥春正月取通州金右副元帥蒲
察七斤以其衆降命復其職置之麾下遂駐軍
于京南建春宮金御史中丞李英元帥左都監烏古
論慶壽領兵護軍食以援中都帝遣右副元帥神撒
將四百騎迎歲明安將五百騎繼之遇于永清將戰
命士卒佯敗金兵未遠迴擊大破之死及溺水者甚

哀獲李英及所佩虎符得糧千餘車遂招諭求清不
降後而屠之未幾金將完顏合住監軍阿興鬆哥復
以步兵萬二千入糧車五百兩援中都明安復將三
千騎進擊之遇于海州宣討寨獲鬆哥合住遁去盡
得其輜重還屯建春宮四月攻萬寧宮克之取富昌
豐宜二關攻接固安縣初順州之破兵士縛密雲主
簿完顏壽孫以獻明安釋而用之不乂逸去復來問
其故對曰有老父在城中恐不能存謀歸欲得侍養
今三致茲復來明安義而釋之五月明安將攻中都
金相完顏復與飲藥死辛酉城中官屬父老縉素開
門請降明安諭之曰負固不服以至此極非汝等
守者之責也悉令安業仍以粟賑之衆皆感悅明安
早從軍旅料敵制勝筭無遺策雖祁寒盛暑未嘗不
與士卒均勞逸同甘苦其得金府庫珠玉錦綺明安
悉具其數上進未嘗以纖毫爲己有中都既下加太
傅邵國公兼管蒙古漢軍兵馬都元帥丙子以疾卒
于燕城年二十三子二人長咸得不襲職爲燕京行
省次忽篤華太宗時爲金紫光祿大夫燕京等處行
尚書省事兼蒙古漢軍兵馬都元帥

張榮

張榮字世輝濟南歷城人狀貌奇偉嘗從軍爲流矢貫背夜之不出令人以足抵其額而拔之神色自若金季山東群盜蜂起榮率鄉民據濟南豐堂嶺衆稍盛遂略章丘鄒平濟陽長山辛市蒲臺新城及淄州之地而有之兵至則清野入山歲丙戌東平順天皆內屬榮遂舉其兵與地納款於按亦台那衍引見太祖問以孤軍數載獨抗王師之故對曰山東地廣人稠悉爲帝有臣若但有倚恃亦不欵服太祖壯之拊其背曰真費因入都宛也授金紫充祿大夫山東行尚書省兼兵馬都元帥知濟南府事時貿易用銀

爭發墓劫取榮下令禁絕庚寅朝廷集諸侯議取汴榮請先六軍以清蹕道帝嘉之賜衣三襲詔位諸侯上辛卯軍至河上榮率死士宵濟守者潰詰旦敵兵整陣至榮馳之望風披靡奪戰船五十艘麾抵北岸濟師衆軍繼進乘勝破張盤二山寨俘獲萬餘大將阿朮魯忍生變欲盡殺之榮力爭而止癸巳汴梁下從阿朮魯爲先鋒攻睢陽議欲殺俘虜烹其油以灌城又力止之既而城下榮單騎入城撫其民甲午攻沛沛拒守稍嚴其將唆賊夜來擣營榮覺之變賊返走率壯士追殺之乘勝急攻城破就攻徐州守將國

用安引兵突出榮逆擊之亦破其城用安赴水死乙未拔邳州丙申從諸王闞鞏破宋棗陽仇城等三縣尉河南民共徙至濟南榮下令民間分屋與地居之俾得樹畜且課其殿最曠野闞爲樂土是歲中書致書爲天下第一李璿據益都私餽以馬蹄金榮曰身爲國何可擅交鄰境却之年六十一乞致仕後十九年世祖即位封濟南公致仕卒年八十三子七人長邦傑襲爵先卒邦直行軍萬戶邦彥權濟南行省邦允知淄州邦孚大都督府郎中邦昌奧魯總管邦安路總管孫四十人宏襲邦傑爵改真定路總

劉亨安

劉亨安其先范陽人後遷遼東川州初國王木華黎經畧遼東兄世英率宗族鄉人隸麾下分兵收燕趙雲朔河東以功充行軍副總管庚辰平陽諸郡被兵之餘民物空竭世英言於王曰自古建國以民爲本今河東殺掠殆盡異日我師復來孰給轉輸收存悔亡此其時也王善之以絳州邊地難其人奏授世英絳州節度使兼行帥府事卒于師無子國三子魯命其族兄德仁襲職丙戌歲金將移剌副樞攻絳州城

臨死之木華黎承制命亨安領其衆奏賜金虎符授
鎮國上將軍絳州節度使行元帥府事兼觀察使庚
寅冬從三師渡河入關辛卯春克鳳翔歷秦隴屯渭
陽秋出階城泂漢抵鄧壬辰會大軍於鈞州敗金人
於三峯山甲午平蔡既而朱兵二十萬攻汴將趨洛
都元帥塔察兒俾亨安往拒之與宋軍遇龍門北遂
橫槊躍馬奮突而前衆因乘之宋師奔潰追擊百餘
里塔察兒拊其背曰真驍將也延坐諸將之右勞賜
三季丙申都元帥塔海征巴蜀攻散關破劔門出奇
制之功居多進圍成都亨安為先鋒大破之於城

西生擒宋將陳侍郎有喬長官與亨安爭功未幾攻
城喬為砲所傷亨安負之以出喬感愧亨安從軍十
年累著勲伐所獲金帛悉推與將佐故士卒咸樂為
用癸卯冬十二月卒子貞嗣職孫三人弘彊弭

列傳三十七

嘉靖十年補刊

元帥傳三

三

翰林學士史天祥制諸蕃國使長

翰林侍製五郎制諸蕃國使長

勳

薛塔刺海

薛塔刺海燕人也剛
 口塔刺海帥所部三
 水手元帥屢有功進
 手軍民諸色人匠都
 欽察畏吾兒康里乃
 國俱以礮立功太宗
 三年膺宗引兵自洛陽渡河塔

力有志歲甲戌太祖引兵至北
 餘人來歸帝命佩金符為砲
 金紫光祿大夫佩虎符為砲水
 元帥便宜行事從征回回河西
 蠻阿魯虎忽纏帖里麻魯爾諸
 阿魯虎忽纏帖里麻魯爾諸

年那演連歲出征累有功效授金符總管管領山前下
路匠軍歲己未憲宗以其老命其子元長襲其職從
世祖渡江攻鄂遠鎮州至元二年移鎮季陽五年
從元帥阿朮修立白河口新城鹿門山等處城堡圍
襄樊七年充季陽軍正副總管十年從攻樊城先登宋
一年從渡江鼓戰艦上流與宋人戰殺三百餘人奪
其船及鎧仗以功賜符陸宣武將軍進兵丁家洲
與宋臣孫虎臣等大戰殺五百餘人奪其船及鎧仗
并敗夏貴于焦湖從征常州先登又攻杭州宋平
太后至京師以功進懷遠大將軍萬戶二十
一年領軍二千從太子脫歡征交趾追襲交趾世子
于大海口奪其戰艦以還二十二年陞安遠大將軍
季陽萬戶府萬戶是年夏復以兵追襲交趾世子于
海之三义口與敵軍合戰中毒矢而死子城里干初
直宿衛襲父職領兵鎮廣東尋移戍惠州平盜譚大
獠朱珍等元貞元年移戍袁州盜陀頭以衆犯境悉
勦除之尋廣之南恩盜起復領兵平之還沒于袁州
贈懷遠大將軍季陽萬戶府萬戶輕車都尉勳海都
侯

王義字宜之真定寧晉人家世業農義有膽智沉默寡言讀書知大義金人遠汴河朔盜起縣人聚而謀曰時事如此吾濟欲保全家室宜有所統屬乃相與推義為長攝行縣事尋號為郡統太師國王木華黎兵至城下義率眾以寧晉歸焉入覲太祖賜駿馬二匹授中寧晉令兼趙州以南招撫使是時兵亂民廢農耕所在人相食寧晉東有藪澤周回百餘里中有小堡曰瀝城義曰瀝城雖小而完且有魚藺菱芡之利不可失也留偏將李直守寧晉身率眾保瀝城由是全活者衆歲己亥金將李伯祥據趙州木華黎遣義擣其城會天大風雨義帥壯士挾長梯疾趨夜四鼓四面齊登殺守裨者城中亂伯祥挺身走天壇寨一州遂定木華黎承制授義趙州太守趙冀二州招撫使丁丑大軍南取鉅鹿洺州二城還軍至唐陽西九門遇金監軍納蘭率冀州節度使柴茂等將兵萬餘北行義伏兵桑林先以百騎挑之納蘭趨來迎戰因稍却誘之近桑林伏起金兵大亂奔還獲納蘭二弟及萬戶李虎茂寅拔東鹿進攻深州守帥以城降順天都元帥張柔上其功陞深州節度使深冀趙三州招撫使金將武仙以兵四萬來攻東鹿仙諭軍士曰

東廉兵少無糧無檣一日可拔也盡銳來攻義
隨機應拒積三日不能下大小數十戰皆捷一夕
義召將佐曰今城守雖有餘然外無援兵糧食將盡
豈可守而待斃推赤餐士率精銳三二街枚夜出直
搗仙營仙軍亂乘暗攻之殺數千人仙率餘眾遁還
真定悉獲其軍資器仗木華黎聞之遣使送銀牌十
命義賜有功者庚辰授冀州獲柴茂械送軍前木華
黎張柔復上其功授龍虎衛上將軍武安軍節度使
行深翼二州元帥府事賜金虎符辛巳仙復遣其將
盧秀李伯興兵謀襲趙州并攻瀝城率戰艦數百

艘沿江而下義具舟楫於紀家莊截其下流邀擊之
義士卒皆水鄉人善水戰回旋開闔往來如風雨船
接則躍登彼船奮戈疾擊敵莫能當殺千餘人擒秀
伯祥退保瀝城義引兵援之伯祥西走二子死焉邢
州盜號趙大王聚眾數千擄任縣固城水寨真定史
天澤集諸道兵攻之不能下甲午義引兵薄其城一
鼓下之獲趙大王侯縣令等數人殺之餘黨悉平義
乃布教令招集散亡勸率種藝深冀之間遂為樂土
云

王五 忱附

王王趙州寧晉人長身駢脅多力金季為萬戶鎮趙州太師國王木華黎下中原王率衆來附領本部軍從攻邢洛磁三州濟南諸郡號長漢萬戶從攻澤潞諸州獨潞州堅壁不下王力戰流天中左目竟拔其城又破平陽下太原汾代等州師還署元帥府監軍以趙州四十寨隸焉先是金將武仙既降復叛殺元節使天倪宋將彭義斌在大名陰與仙合王從之乃帶史天澤攻敗武仙生擒義斌駐軍寧晉東遣人賈誥命誘王妻妻拒曰妾豈可使夫懷二心於國家耶仙圍之數匝殺其子寧壽王聞之領

其圍斬獲數百人而還仙遣人追之不敢進皆曰將軍膽氣驍雄我輩非敵也仙乃盡發王先世二十七冢棄骸蒲道王從史天澤諸將擊仙於趙州仙糧絕走雙門寨圍之會大風仙獨脫走斬其將四十二人真定遂平加定遠將軍權真定五路萬戶假趙州慶源軍節度副使有民負西域賈人銀倍其母不能償王出銀五千兩代償之又出家奴二百餘詣為良民中統元年二月卒年七十子忱忱字允中幼讀書明敏有才識平章趙瑩引見裕宗潛邸語稱旨命宿衛掌錢穀計簿授山北道東道提

刑按察司副使駙馬伯忽里數馳獵蹂民田忱法
繩之憲更耿熙言徵北京宣慰司積年逋負計可得
鈔二十萬錠帝遣使覈實熙懼事露擅增制語有并
打算大小一切諸衙門等事凡十二字追襲官吏至
數百人忱驗問知其詐熙乃欵伏裕宗薨子器邸忱
建言陛下春秋高當早建儲嗣平章不忽木以聞帝
嘉納焉改河北河南道提刑按察副使忱以江南人
嘗子北方名為養子實為奴也乞禁之又省部以
軍餘田出調發忱言士卒衝冒寒暑遠涉江
優恤皆從之潁州朱喜嘗俘於兵既自贖

其復欲以為奴又有一何誣息州汪清為奴殺而奪
子及田宅者獄久不决忱皆正之劾罷鎮南帥唐兀
台唐兀台結援大臣誣奏于帝繫忱至京師得面陳
其事世祖大悟抵唐兀台罪按察司改廉訪司起忱
為燕南河北道肅政廉訪使江陵汴梁兩路總管至大三
年拜中憲大夫雲南行省叅知政事未行卒

趙迪

趙迪真定藁城人也幼孤事母孝多方善騎射金宗
為義軍萬戶都將出六鈞強弩立賞募能挽者迪能

三三三
之即署真定尉遷藁城尉陞為丞太祖兵至藁城迪
率眾迎降歲壬午以藁城為永安軍以迪同知節度
使事嘗從帝西征他將校豪橫俘掠獨迪治軍嚴所
過無犯先是真定既破迪亟入索藁城人在城中者
得男女千餘人諸將欲分取之迪曰是皆我所掠當
以歸我諸將許諾迪乃召其人謂曰吾懼若屬為他
將所得則分奴之矣故索以歸之我今縱汝往宜各
遂生產為良民感泣而去時兵荒之餘骸骨蔽
道為大家收瘞壬子歲卒年七十子七人積齡真

卽順

卽順保定行唐人籍於曲陽縣金末盜起順會諸
族集鄉人豪壯數百人與其弟常築兩砦于石城玄
保分擾以守歲甲辰率眾來歸太祖授行唐令丙子
真定饑群盜擾城一民皆穴地以避之盜發地而擊
其人順擒數百人獻之朝廷陞曲陽為恒州以順為
安撫使金將武仙以真定帥眾來攻順與戰大敗之
賜金虎符加鎮國將軍恒州善處都元帥庚辰武
仙屯兵于黃堯兩順及弟常又擊敗之時西京帝
道章陰結武仙沙州將順擒道章殺之仙還真定

以自保順從木華不攻之敗之於三柳口仙遊不真
定南走以功賜順不察納合兒陸驍騎衛主將軍克
山前都元帥第常不勅名金那合兒辛卯春從太宗攻
河南諸郡招降民不餘萬以順知中山府己亥佩金
符為行軍萬戶管不諸路元差軍五千人從大軍破
歸德府留順戍之不未駐師五河口宋兵夜襲營順
掩殺其衆生獲十五不人癸丑攻漣水甲寅舉部屬肖
撤八耨隣之功以不上賜肖撤八耨隣金銀符仍隸
麾下丙辰春順卒不丁七十四子浹襲職己未從世祖
克平國鄂州有戰不中統元年世祖即位浹以

張宣等十二人奏聞于朝遂以金銀符賜之三年國
李瓊還守息州至元十一年賜虎符授金州招討副
復後又遷懷遠大將軍金州萬戶十三年改襄陽管
軍萬戶三月以樞密院奏行准西總管萬戶府事守
廬州十四年移龍興仍管領本翼軍人十五年復為
管軍萬戶攻贛州崖石寨太平岩賊有功十七年陞
鎮國上將軍都元帥鎮龍興諸路兼管本萬戶府事
賜銀印言贛盜起行省遷元帥府以鎮之二十一年
元帥府罷復為萬戶二十三年佩元降虎符為歸德
萬戶鎮守吉安未幾統領江西各萬戶集兵七千成

稱善資儀雄偉其音若鐘多智略尤精騎射金貞祐
播遷田疇荒蕪人無所得食善求食以奉母乙亥群
盜蜂起衆推善爲長善約束有法備禦有方盜不能
犯擢本縣主簿戊寅權中山府治中時武仙鎮真定
陰蓄異志忌善威名密令知府李濟府判郭安圖之
己卯秋濟安張宴伏兵召善計事善覺即還治衆倉
卒得入平人慷慨與盟人舉自奮遂誅濟安乃諭其
黨曰造孽者李郭耳餘無所問善夜卧北城上戒麾
下曰勿以我累汝家當取吾首獻帥府衆曰公何爲
出此言我輩惟有効死而已遂率衆來歸授金符同

中山府事是年冬以兵三百攻武仙仙遣將率精
銳二千拒戰善擒斬之仙走獲鹿委其佐段琛城守
復戰拔之入擾其城軍勢大振自中山以南降州郡
四十二庚辰遷中山真定等路招討使尋加右副元
帥驍騎大將軍屯橐城壬午陞橐城爲匡國軍以善
行帥府事癸未進金吾衛大將軍左副元帥仙窮迫
請降詔命復舊鎮善奏仙狼子野心終必反覆請修
城隍備之未幾仙果叛率衆來攻火及西門善出戰
却之仙使其部下宋元得老幼四千人南奔善追奪
之澤復故業仙自是不敢復入真定其部曲多來降

丙戌以功賜金虎符仍行帥府事壬辰從征河南至鄭州州將馬伯堅素聞善名登陴大呼曰豪城王元帥在軍中否願以城降之善直前覓曹與語伯堅果率眾出降善令軍中秋毫無犯民皆接堵願從善北渡者以萬計授之土田以安集之丙申兼河北西路兵馬副都總管辛丑授知中山府事屬縣新樂地居衝要迎送供給倍於他縣皆取於民善均其勞逸所徵或未給輒出家貲代輸民德之又放家僮五百人為民咸懷其恩癸卯卒年六十二皇慶元年贈銀青榮祿大夫司徒追封冀國公謚武靖子慶淵為行軍

千戶征淮南死次慶端

慶端字正甫初為郡篋庫進水軍提領訓練士卒常如臨敵敗李璫於老僧口以功佩金符為千戶監築大都城移戍清口宋兵來攻守將戰死城欲陷慶端拔刃誓眾裹創力戰城得以全群盜四起復擊走之進武節將軍管軍總管領左右中衛兵從世祖北征還遷右親軍副都指揮使進侍衛軍都指揮使建威武營以處衛兵經畫西廬使各安業別立神鋒軍親教以礮張弩技作整暇堂屏利局浚渠構室如治家事至元十九年改詹事丞時有司欲就威武貲粟數

萬子濟飢民裕宗在東宮以問慶端慶端對曰與民
等享何間焉即命與之帝嘗遣近侍夜出伺察焉邏
卒所執近侍以實告卒曰軍中惟知將軍令不知其
他近侍以聞帝賞以黑貂裘及親征乃顏命慶端以
所部從時年六十餘與士卒同甘苦晝則環軍執兵
迎敵夜卧不解衣暇則俾士卒爲軍市自相懋遷征
東之功慶端贊畫居多成宗即位論翼戴功拜金吾
衛上將軍中書左丞行徽政副使兼隆福宮左都威
衛使進階資德大夫大德二年加榮祿大夫平章政
事兼書樞密院事兼使如故以疾卒

杜豐

杜豐字唐臣汾州西河人父珪以積德好施鄉稱善
又豐少有大志獨儻不群通兵法仕金爲平遙義軍
謀克佩銀符太祖取太原豐率所部來降皇舅按赤
那延授兵馬都提控從國王按察兒攻平陽先登克
絳州解州諸堡招集流民三萬餘家以功賜金虎符
陞征行元帥左監軍金人南遁遂以豐守河北庚辰
上黨張開以萬衆寇汾州豐率相騎五千敗之從國
王阿察兒下懷孟破溫谷木澗等寨輒先登攻洪洞
西山斬首六百餘級攻平山破之賊墮崖死以萬

計獲生口甚眾金將武仙等往亦鈔掠平陽太原間
行路梗塞壬午授豐龍虎衛上府軍河東南北路兵
馬都元帥便宣行事遂破玉女訶渠等寨俘獲千餘
人丙戌從按赤那延攻益都金守將突圍出豐戰扼
之斬首千級捕虜二十人益都下遂略地登萊降島
民萬餘己丑以本部取沁州由是銅鞮武鄉襄垣綿
山沁源諸縣皆下辛卯命豐撫定平陽太原真定及
遼沁未降山寨皆平之乙未陞沁州長官長官者國
初高爵也在沁十餘年寬繇薄賦勸課農桑民以富
子未請老丙辰疾卒于家年六十有七沁人立祠

為時祀焉子三又思明思忠思敬事世祖潛邸
由平陽路回知累遷治書侍御史阿合馬敗臺臣皆
罷去思敬以帝所眷知獨留出為安西路總管食陝
西行省事歷汴梁總管再入中書為侍御史時桑哥
以罪誅風紀為之振肅未幾拜奉知政事改四川行
書左丞不赴陞中書左丞致仕年八十六卒謚文定

石抹孛迭兒

石抹孛迭兒契丹人父桃葉兒徙霸州孛迭兒仕金
為霸州平曲水寨管民官太師國王木華黎率師至
霸州孛迭兒迎降木華黎察其有勇奇之擢為千戶

歲甲戌從木華黎覲太祖於輝州佩以銀符充漢軍都統帝次牛欄山欲盡戮漢軍木華黎以李迭兒可用奏釋之因請隸麾下從平高州乙亥授左監軍佩金符與北京都元帥吾也兒分領錦州紅羅山北京東路漢軍二萬又從奪忽蘭關聖土必伯地山東大名比至洛州城守甚堅師不得進丁迭兒不避矢石率衆先登遂拔之丁丑從平益都密萊淄戊寅從定太原忻代平陽吉陽崑嵐汾石絳州河中潞澤遼沁李已木華黎承制陞李迭兒為龍虎衛上將軍霸州路元帥佩金虎符以黑軍鎮守固安水寨既至合

兵士屯田且耕且戰披荆棘廬舍數年之間城市悉完為燕京外蔽庚寅朝太宗于行在所賜金符辛卯從國王塔思征河南癸巳從討萬奴於遼東平之李迭兒始從征伐及後為將大小百戰所至有功年七十以疾卒于宮子糾查刺查茶刺

賈塔刺渾

賈塔刺渾冀州人太祖用兵中原募能用砲者籍為兵塔刺渾四路總押佩金符以將之及次益都下之加龍虎衛上將軍行元帥左監軍便宜行事師還駐謙謙州即古烏孫國也歲己丑將所部及契丹女

直唐元漢兵攻幹脫刺兒城塔刺渾督諸軍充城先
入破之即軍中拜元帥改銀青光祿大夫從睿宗入
散關略關外四州經興元渡漢江略唐鄧申裕諸州
鼓行而東河南平陸金紫光祿大夫總領都元帥從
太師太赤攻徐邳平之十六年卒子抄兒赤襲從諸
王也孫哥塔察兒南征戊午卒於軍子冀驢襲卒弟
六十八襲至元五年諸軍圍襄樊九年六十八帥所
部戍駱駝嶺一字城立砲樊城南不發以怠敵心俄
帥銳卒突出攻其城西破之以功賜銀幣鞍馬弓矢
十一年諸軍南征渡江明年加宣武將軍宋常州守

臣姚訔堅守不下六十八發砲摧其城壁以納諸軍
宋援兵突至力戰却之常州既克帥府令總新附砲
手軍臨安降加懷遠大將軍從諸軍追宋二王至海
下三十餘城十四年加昭勇大將軍十五年領南軍
精銳者入衛加輔國上將軍十八年論功授奉國上
將軍管領砲手軍都元帥二十年罷都元帥更授砲
手軍匠萬戶佩三珠虎符二十六年卒

與敦世英

與敦世英去真人也其先世仕金爲濬州刺史歲癸
酉太祖兵下山東濬州民奉世英及弟保和迎降皆

授以萬戶世英獨儻有武略由萬戶遷德興府尹時
金經略使苗道淵率衆欲復山西世英與戰克之將
盡殺所俘其母責之曰汝華族也畏死而降此卒何
爾驅之死戰何忍殺之耶遂止世英從數騎巡部定
襄卒於軍保和由萬戶陞昭勇大將軍德興府元帥
錫虎符改雄州總管尋以元帥領真定保定順德諸
道農事凡闢田二十餘萬畝改真定路勸農事兼領
諸署場居第戎器乘馬給戶食其租年五十六致仕
保和四子希愷希元希魯希尹希愷襲勸農事皇太
后錫以服曰無墜汝世業蘇有水旱必力請蠲

祖調民賴之南征時置軍儲倉于汴衛歲輸河北諸
路粟以實之分冬月三限失終限者死吏徵歛舞法
民甚苦之希愷知其弊蠲煩苛而民不擾尋以勸農
使兼知冀州希愷至爲束約健訟之俗爲變蒙古軍
取民田牧久不歸希愷悉奪歸之軍無怨言至元二
年遷順天治中三月改順德又踰月陞知河中府秩
滿歸調時阿合馬專政官以賄成希愷不往見之降
武德將軍知景州數月卒希元彰德漕運使希魯遷
州路總管希尹中統三年李璫叛濟南世祖命丞相
史天澤討之希尹謂天澤面陳利害願擊賊自効試

其騎射壯之命充真定路行軍千戶與賊戰矢無虛
發賊敗走入城中諸王哈必赤賞銀五十兩希尹請
築外城圍之深溝高壘俟其糧絕不戰而坐待其困
天澤從之壇既就擒至元十一年樞密錄其功自右
衛經歷六遷至同知廣東道宣慰司事卒

田雄

田雄字毅英北京人也幼孤能樹立以驍勇善騎射
知名金末署軍都統歲辛未太祖軍至北京雄率衆
出降太祖以雄隸太師國王華黎麾下從征與
廣寧諸郡定府州縣二十有平錦州張鯨兒爲

亂從攻栢鄉邢相辛巳從攻鄜坊鞏葭諸州有功木
華黎承制受雄隸吉州刺史華鎮我軍節度使行都
元帥府事平汾西霍山諸柵壬午以木華黎命授河
中帥聽石天應節制太宗時從攻西和興元諸州又
從攻夔萬諸州論功尤最賜金符授行軍千戶召爲
御前先鋒頃之使攻破楨州雷家堡奉旨招納河南
降附得戶十三萬七千有奇民皆按堵而別部將校
縱兵虜掠民惶懼悔降雄力爲救護至出已財與之
民得免於害癸巳授鎮撫陝西總管京兆等路重時
關中苦於兵革郡縣蕭然雄披荆棘立官府開陳禍

福招徠四山堡砦之未降者獲其入皆慰遣之由是
來附者日衆雄乃教民力田京兆大治事聞賜金符
定宗時入覲于和林以疾卒年五十八後追封西秦
王子八人大明襲職知京兆等路都總管府事

張拔都

張拔都昌平人歲辛未太祖南征拔都率衆來附願
爲前驅遂留備宿衛從近臣漢都虎西征回紇河西
諸蕃道隴蜀入洛屢戰沉矢中頰不少卻帝聞而
之賜名拔都自是漢都虎亦專任之甲午金亡拔都
都虎爲砲手諸色軍民久臣都元帥守真定漢都虎
卒無子以拔都代之及漢都虎兄子贈關少長拔都
請于朝歸其政而終老焉子忙古台從憲宗攻蜀釣
魚山苦竹二壘冒犯矢石屢挫而不沮遂以勇敢聞
中統元年賜銀符預議砲手軍府事尋賜金符爲行
軍千戶從征襄樊有功卒子世澤襲從丞相伯顏南
征大小十餘戰皆有功又從平廣西明年收瓊萬諸
州拜宣武將軍行軍總管未幾遷副萬戶加明威將
軍從鎮西三脫歡伐交趾既還及再舉將校舊嘗往
者許留恤之有脫歡者當行適病不能起世澤曰吾
祖父以武勇稱吾家其餘澤荷國厚恩當輸忠王室

增光前入豈可苟為自安計耶力請代之凱還人服其義云

張榮

張榮清州人後徙鄆陵歲甲戌從金太保明安降太祖賜虎符授懷遠大將軍元帥左都監乙亥正月奉旨略東平益都諸郡戊寅領軍匠從太祖征西域諸國庚辰八月至西域莫蘭河不能涉太祖召問濟河之策榮請造舟太祖復問舟卒難成濟師當在何時榮請以一月為期乃督工匠造船百艘遂濟河太祖嘉其能而賞其功賜名元速赤癸未七月陞鎮國

將軍砲水手元帥甲申七月從征河西乙酉從征關西五路十月攻鳳翔砲傷右驍帝命賜銀三十錠養病於雲內州庚寅七月卒年七十二子奴婢襲佩虎符砲水手元帥領諸色軍匠太祖伐金命由關西小口收附金昌州等郡乙未金亡戊戌授懷遠大將軍癸卯三月陞輔國大將軍甲辰二月領蒙古漢軍守均州戊申九月宋兵襲均州奴婢拒戰大敗宋師己酉十一月復與宋兵戰流矢中右脅中統三年卒年七十五子君佐襲佩虎符砲水手元帥戊綦州五年都元帥阿朮命將砲水手兵攻襄陽至元八年調守襄

陽一字城素馳嶺攻南門牛角堡破之攻樊城親立
 砲摧其角樓樊城破十年襄陽降叅政阿魯海牙以
 宋降將呂文煥入朝奉旨召蒙古漢人萬戶凡二十
 人陛見各以功受賜帝親諭之令還鎮十一年從軍
 下漢江至沙洋丞相伯顏命率砲手軍攻其北面火
 砲焚城中民舍幾盡遂破之賜以良馬金鞍金段又
 以火砲攻陽邏堡破之十二年從大軍與宋將孫虎
 臣戰于丁家洲復從丞相阿朮攻揚州是年冬又從
 諸軍破常州十三年陞懷遠大將軍仍砲水手元帥
 秋君佐屯軍真揚間絕宋糧道宋制置李庭芝都統
 安慶府安撫司軍民
 達魯花赤十四年春安慶野
 原及司空山天堂賊
 將攻安慶君佐密察知之時
 中軍僅數百人君佐
 命搃賊出沒要道賊不敢入
 寇黃州行省命君佐
 率衆復黃州因以為黃州達
 花赤十五年加鎮國
 上將軍仍砲水手元帥十九年命率新附漢軍萬人
 脩膠西閘堤以通漕運二十一年兼海道運糧事是
 年卒

趙天錫

趙天錫字受之冠氏人厲金季兵起其祖以財雄鄉

元史列傳卷三十八

十一

里為衆所歸貞祐之亂保冠氏有功授冠氏丞
歲陞爲令大安末天錫、栗佐軍補修武校尉監洛
水縣酒太祖遣兵南下防御使蘇政以爲冠氏令乃
望縣人壁桃源天平諸山歲辛巳春歸行臺東平嚴
實實素知天錫名遂摧隸帳下從征上黨以功授冠
氏令俄遷元帥在都監兼令如故甲申宋將彭義斌
擣大名冠氏元帥李全降之人心頗摧天錫令衆姑
少避其鋒以圖後舉乃率將佐往依大將李里海軍
未幾破義斌于真定授左副元帥同知大名路兵馬
都總管事李全在大名結其帥蘇椿納金河南從宜

鄭侗日以取冠氏爲事天錫每戰輒勝一日侗自將
萬人來攻天錫率死士乘城力戰三晝夜侗度不能
下乘風霾遁去己丑朝行在所上便民事優詔從之
戊戌征宋駐兵蘄黃間被病還卒于冠氏年五十子

六人 貴亨嗣

貴亨字文甫襲行軍千戶己未從國兵渡江攻鄂有
功至元五年總管山東諸翼軍征宋攻襄樊貴亨出
抄蘄黃以五百人投野人原寫山峇備白河新城七
年信元帥劉整朝京師命爲征行千戶賜金符及衣
帶鞍馬攻樊城冒矢石堞盾先登城之十一年脩京

西正陽城三月敗夏貴于淮益以濟南汴梁二路新
軍十二年正月從攻鎮二與宋將孫虎臣張世傑大
戰于焦山殺掠甚衆十二年江南平以功陞宣武將
軍十四年授虎符懷遠大將
花赤未行適盜發潁浦行
未幾處州青田縣季文龍
獲其黨始知七縣俱反季
擣處州天慶觀首亨率衆
河門賊出戰以精騎蹂之
級貴亨入城乃招散亡立

州路總管府達魯
招討使率兵平之
趙知府以叛貴亨
署爲兩浙安撫使
騎士三百陳于下
突圍散走斬首二
萬復合二萬

陣惡溪南貴亨分兵拒守自將精銳亂流衝擊虜
萬戶忽都台以援兵至自己至亥賊方退文龍溺死
忽都台以處即亂山爲州無城壁可恃且反側歆屠
之貴亨曰我受命來監此郡賊固可殺良民何辜不
從將士虜掠子女金帛貴亨捕得倡率者杖之仍各
求所失還之州民悅服十五年龍泉縣張三八合衆
二萬殺慶元縣達魯花赤也遠台兒且屠其家貴亨
將騎士五百往討與賊將鄭先鋒陳壽山三千餘人
戰于浮雲鄉斬首三百餘級三八軍于縣西賊三戰
俱敗軍還賊衆水陸俱設伏貴亨擇步卒驍悍者使

前賊不敢近既而衢州賊陳千二聚二萬人遂昌葉丙六亦聚三千人助之賁亨前後斬首三千餘級葉平之一七年改處州路管軍萬戶二十二年還寇卒年五十七

列傳卷第三十九

元史一百五十二

張晉亨字進卿冀州南宮人也其兄同知安武軍節度使事領彙強令顥以冀州數道之衆附嚴實于青崖後從實來歸進顥安武軍節度使西征戰及歲戊寅太師國王木華黎承制署晉亨襲顥爵晉亨涉獵書史小心畏慎臨事周密實畫之以女妻焉實征澤路偏將李信見海相繼降于宋晉亨跋涉險阻晝伏

張晉亨 好古

張晉亨字進卿冀州南宮人也其兄同知安武軍節度使事領彙強令顥以冀州數道之衆附嚴實于青崖後從實來歸進顥安武軍節度使西征戰及歲戊寅太師國王木華黎承制署晉亨襲顥爵晉亨涉獵書史小心畏慎臨事周密實畫之以女妻焉實征澤路偏將李信見海相繼降于宋晉亨跋涉險阻晝伏

夜行僅免於難實遣子忠真入質命晉亨與俱下亥
從國王孛羅征益都以功遷昭毅大將軍領恩州刺
史兼行臺馬步軍都總領再遷鎮國大將軍實征淮
楚河南晉亨畢從甲午從實入覲命為東平路行軍
千戶國安慶其守將走邀擊之斬首百級俘獲無算
攻光之定城俘其將士十有五人略信陽執復州將
金之才攻六安拔之大小數十戰策功居多實率軍
其子忠濟奏晉亨權知東平府事東平貢賦率倍他
道迎送供億簿書獄訟日不暇給歷七年吏畏而民
安之辛亥憲宗即位從忠濟入覲時包銀制行

戶賦銀大兩諸道長吏有輒請試行於民者晉亨面
責之曰諸君職在親民民之利病且不知乎今天顏
咫尺知而不言罪也承命而歸事不克濟罪當何如
且五方土產各異隨其產為賦則民便而易足必責
輸銀雖破民之產有不能辦者大臣以聞明日召見
如其言以對帝是之乃得蠲戶額三之一仍聽民輸
他物遂為定制欲賜晉亨金虎符辭曰虎符國之名
器長一道者所佩臣隸也濟麾一復佩虎符非制也
臣不敢受帝益喜改賜寶書金符恩州管民萬戶中
統三年卒擅叛晉亨從嚴忠戰於遙牆樂勝之敗

本道真管萬戶四年授金虎符分將本道兵充萬戶
戍宿州首言汴堤南北沃壤開墾宜屯田以資軍食
乃分兵列營以時種藝選千夫長督勸之事成期年
皆獲其利至元八年改懷遠大將軍淄萊路總管尋
燕軍事十一年詔伐宋晉亨在選中聞命就道曰此
報效之秋也分道由安慶渡江丞相伯顏留之戍鎮
江兼與民政壹以鎮靜為務戰焦山瓜洲皆有功十
三年卒於官子好古

好古字信甫少讀書善屬文器識宏遠勇而有謀父
知東平府事嚴忠濟承制以好古權其父
八宿州戊午奏真授行軍千戶攻樊城身中流矢戰
不少卻主將旌其功賞銀百兩略揚循泰興海門而
還擊邵伯埭拔之從大軍攻鄂中統元年還宿州忠
濟命兼恩州刺史訪民瘼革吏弊立為條約未幾移
戍蘄州李壇叛據濟南宋人攻蘄好古率兵迎擊力
不敵死之時普亨在濟南軍中聞之哭曰吾兒死得
其所矣弟好義襲下江淮有功

王瑜

王瑜字國寶大名南樂人世為農家瑜慷慨有大志
金末喪亂所在盜起南樂人楊鐵槍聚眾保鄉里太

相遣兵攻破河朔鐵槍以兵應之行營帥按只署珍
軍前都彈壓鐵槍與金軍戰死衆推蘇椿代領其衆
宋將彭義斌帥師侵大名椿戰不利降之義斌遂據
大名珍棄其家間道走還軍中按只嘉其誠待遇益
厚以爲假子復從速魯忽擊走義斌蘇椿以大名降珍
妻子故在珍語之曰吾非棄汝輩誠不以私愛奪吾
報國之心耳聞者稱歎授鎮國上將軍大名路右中
軍前行元帥府事俄以取寧海州城功遷輔國上將
軍復授統攝開曹滑濟等處行元帥府事兼大名路
安撫使蘇椿復欲叛歸金亦覺之與元帥梁仲先
兵攻椿椿開南門而遁國王韓真授仲行省珍
衛上將軍同知大名府事兼兵馬都元帥從刺不台
經略河南破金將武仙子鄭州復與金人戰于蕭縣
斬其將項之仲死國王命仲妻冉守真權行省事珍
爲大名路尚書省下都元帥將其軍國用安撫徐瑛
珍從太赤及阿木魯攻援之授同簽大名行省事從
軍伐宋破光州襄陽廬壽滁州珍常身先諸將屢有
功宋城五河口珍帥死士二十人奪之宋人遁乘勝
進師連破濠泗渦口歲庚子入見太宗授總帥本路
軍馬管民次官佩金符珍言於帝曰大名困於賊調

實借西域賈人銀八十錠及通糧五萬斛若復徵之
民無生者矣詔官償所借銀復盡蠲其通糧已而朝
廷議分蒙古漢軍戍河南以珍戍睢州修城隍明斥
候宋兵不敢犯己酉入朝定宗進本路征行萬戶加
金虎符在鎮九年卒年六十五子文幹善騎射襲為
行軍萬戶己未從世祖攻鄂州先登中流矢賜以良
馬金帛李壇叛從哈必赤討平之哈必赤論功語以
官賞文幹對曰增秩則榮及一身賜金則恩逮麾下
廼以白金二千兩器四百事雜綵數百緡賞之文幹
悉願之軍中中統三年制父兄弟子並仕同塗者罷

文幹子文幹弟文禮為千戶文幹自陳願辭已官而
文禮詔從之改同知大名路總管府事累遷河東
山西道提刑按察副使近臣言其鄂州之功陞為
州行樞密院事歷全州衛輝東平總管改江東建康
道提刑按察使卒于官年五十八發其篋中錢僅七
緡貧不能歸葬人以此稱之

楊傑只哥

楊傑只哥燕京寶坻人家世業農傑只哥少有勇
太祖略地燕趙率族屬降附從攻遼左及從元帥阿
木魯定西夏諸部有功己丑睿宗賜以金幣命從阿

木魯攻信安阿木魯知其材畧出諸將右命我決軍
務信安城四面阻水其帥張進數月不降傑只哥曰
彼恃巨浸我師進不得利退不得歸不若往說之
見其來怒曰吾已斬二使汝不懼死耶傑只哥無懼
色從容言曰今齊魯燕趙地方數千里郡邑聞風納
降獨君恃此一城內無軍儲外無兵援亡可立待言
君計者不如請降可以保富貴而免死亡進默然曰
姑待之凡三往乃降辛卯大名守蘇椿叛討獲之衆
議屠城傑只哥曰怒一人而族萬家非招來之道也
衆是其言由是滑濬等州聞風納款壬辰師次徐州

山河一得濟傑只哥深知有賊兵操舟楫伏草澤出
率勁卒數人憑河擊之悉奪舟楫衆遂得渡獲河南
諸郡降人三萬餘戶進攻徐州金將國用安拒戰傑
只哥率百餘騎突入陣中迎擊於後大敗之擒一將
而還皇太弟國王駐兵河上見之賜名拔都授金符
命總管新附軍民乙未太宗特賜傑只哥種田民戶
租賦丁酉從阿木魯攻歸德傑只哥麾諸將縹草作
筏渡濠抵城下梯城先登拔之由是進攻得五州一
縣四堡二寨己亥宋兵至己終歸德城傑只哥乘夜
拒戰敗之率舟師追擊轉戰中流溺死年四十一子

先孝友孝先俞江北淮東道肅政廉訪司事孝友之吳江路總管

劉通

劉通字仲達東平齊河人也初從嚴實來歸繼後收濮曹相潞定陶楚兵實薦于太師木華黎以通為齊河總管尋授鎮國上將軍左副都元帥濟南知府德州總管行軍千戶太宗錫金符陞上千戶宋將彭義斌攻齊河城率眾夜登通與六七人鼓譟而進宋人驚懼墜溺死者甚眾明日復合圍城三匝通令守城者植柳如節我足散去宋人懼其向已也大

歲丙辰卒子復亨襲為行軍千戶從嚴實略安豐通泰淮濠泗蘄黃安慶諸州憲宗而征復亨攝萬戶統東平軍馬攻釣魚山苦竹寨有功師還無德州軍民總管中統元年奉旨和林還授虎符進武衛軍副都指揮使李璫叛遣招復亨復亨立斬之時遣兵討賊集濟南乏食復亨盡出其私蓄以濟師世祖嘉之賜白金五千兩復亨固辭至元二年進左翼侍衛親軍都指揮使四年遷右翼九年加昭勇大將軍鳳州等處經略使十年遷征東左副都元帥統軍四萬

戰船九百征日本與倭兵十萬遇戰敗之還招降淮
南諸郡邑十二年授昭信路總管十四年遷貴州宣
慰使十五年改太平路總管俄授鎮國上將軍為淮
西道宣慰使都元帥二十年加奉國上將軍三月卒
子五入浩澤澧淵淮浩中統四年襲千戶至元八年
授于兵澤由近侍出為荆湖北道宣慰使澧知長寧
州俱蚤卒淵至元十一年佩金符授進義副尉為徐
邳屯田總管下下莊千戶九月領兵巡邏泗州至淮
河九里灣遇宋軍戰勝奪其船三十餘艘十二年三
與宋安撫朱煥戰于清河敗之擒十四人奪其

重九月從右丞別里迷失攻淮安十三年與宋人戰
昭信軍南靖平山俱有功十四年北觀進武略將軍
管軍總管十五年從元帥張弘範征閩廣漳韶諸州
以功授武德將軍十六年從攻崖山弘範命淵領後
翼軍水戰有功十七年遷安遠大將軍為副招討二
十一年遷穎州副萬戶二十四年從征交趾鎮南王
脫歡命領水步軍二萬攻萬劫江擒十六人繼攻靈
山城賊衆迎敵大敗之師還二十八年捕寇湖東獲
其酋長三人三哥年兼領紹興湖江三軍守杭
州繼以疾卒大德十一年卒于無錫至大元年襲授

信校尉... 武德將軍... 病免六年改河南江北行省都... 五年以

岳存

岳存字彥誠大名冠氏人初歸東平嚴實承制授存
武德將軍帥府都總領保冠氏會金從宜鄭侗復據
大名距冠氏僅三十里遣兵來攻侗不得志復自將
萬人合圍其勢甚張存率死士百餘突出西門勇氣
十倍金人退走存追之越境乃還歲己丑從嚴實及
武山賊于彰德西敗之遷明威將軍行冠氏主簿明

年存率騎兵二百步兵三百自彰德北遷至開州南
與金將張開遇開衆萬餘存軍依大林戒其軍曰彼
衆我寡不可輕動當聽吾鼓聲為節乃命騎士居前
突卒次之與敵相去僅二十步一鼓作氣無不一當
百開衆大潰追二十餘里不損一卒而還破河南攻
淮漢無役不與辛丑陞本縣丞庚戌移治楚立數年
有惠政乙卯告老退休田里中統三年以疾卒年六
十九子天禎襲父職冠氏縣軍民殫瘁從圍襄樊帥
府承制授管軍百戶修立百丈山萬壽寺堡天禎率
銳士冒矢石從樊城東北先登為極木所傷墮地復

元史列傳卷三十一
九
羅梯以登手刃數人築正陽東西城及於鎮江造戰
船天禧咸量其役戰焦山平奉化賊錄功陞管軍千
戶江南平從元帥張弘範觀帝于柳林賜金錦銀鞍
勒授昭勇大將軍福州路總管平尤溪賊秩滿改吉
州平家新賊後遷贛州七年遷建康首定救荒之政
民立碑以紀遺愛焉至大二年卒于建康年七十二
子果會昌州同知

張子良

張子良字漢臣涿州范陽人金末西奔兵起所在募
兵自保子良率千餘人入燕薊間耕稼已也

人阻水治舟筏取蒲魚自給從之者衆至不能容子
良部勒定興新城數萬口就食東平東平守納之久
乏守棄東平還汴檄子良南屯宿州又南屯壽州夏
全劫其民出雞口李敏據州子良率麾下造敏敏欲
害之走歸宿因以宿帥之衆奪全所劫老幼數萬以
還全怒連徐邳之軍來攻子良與宿帥斫其營全失
其軍符走死揚州時金受重圍於汴聲援盡絕有國
用安者圖以漣水之衆入援道阻游兵不能進子良
與一偏將晝伏夜行得入汴達用安意金君臣以為
自天降也曲賜勞來凡所欲皆如用安請因以徐宿

授子良明年子良進米五百石示授榮祿大夫總
管陝西東路兵馬仍治宿州當是時令已不行於陝
而用安亦卒不得志徐宿之間民無食者出城拾糶
糶以食子良嚴兵護之以防鈔掠猝遇敵子良被重
傷乃率其衆就食泗州泗守閱兵將圖之子良與麾
下十數人即軍中生縛其守民不欲北歸者欲走傍
郡子良資以舟楫無敢掠其財物歲戌戌率泗州西
城二十五縣軍民十萬八千餘口因元帥阿朮來歸
太宗命為東路都總帥授銀青榮祿大夫陞京東路
行尚書省兼都總帥管領元附軍民進金紫光祿大

元附軍民中統二年夏四月世祖命為歸德府總管管領
全活者不可勝計癸丑憲宗命為歸德府總管管領
管降虎符仍管領泗州軍民總管七年罷元管戶隸
諸郡縣改授昭勇大將軍大名路總管兼府尹八年
卒年七十八贈昭勇大將軍兼樞密院事上輜車都
尉追封清河郡侯諡翼敏子二人長懋次亨亨佩金
虎符為管軍千戶子與立襲亨子鑑襲
懋字之羨未弱冠已有父風侍子良宮京東故懋領
其衆從丞相阿朮軍立歸德府以美軍鎮之移鎮下

元史列傳卷三十一
鄧知歸德府事李壇叛濟南以其兵戍蔡州中統元
年宣授泗州軍總記佩金符至元七年擢濟南諸路
新軍千戶九年從破裏樊有功十一年丞相伯顏南
征其行陣以鋒車爲先而衆軍繼之懋以勇鷲將
等前行凡所過山川道路險陁通梁筏平塹穿安營
護伏出納可計伯顏信用之擢爲省都鎮撫水陸並
遣其任甚重師壓臨安滅宋以其主及母后羣臣北
還駐瓜洲伯顏命懋往諭淮西夏貴副以兩介將騎
士直趨合肥貴出迎設賓禮懋示以逆順禍福辭旨
雅厲貴受命願首土地圖降書馳還報伯顏大喜後
令行徇鎮東安營壽春懷遠淮安濠茅州鄆比皆下
復使之徧諭列城軍民使知帝之德意十三年懋
馳驛至上都伯顏上其功宣授懋明威將軍泗州安
撫司達魯花赤十四年改安撫司爲總管府置宣慰
使以統之拜同知淮西道宣慰司事十六年改授懷
遠大將軍吉州路總管懋惡衣糲食率之以儉慎刑
平政處之以公新府治設義倉雖能吏不過也部使
者劉宣疑之凡有所徵治朝至夕報豪強竦然郡萬
戶薦良侍勢爲暴爲之翼者有十虎之目民甚苦之
乃上其實於憲府盡誅十虎者奪良虎符而黜之民

大悅群盜有率衆將白晝劫掠者悉聞之遂從騎擣其完縛其酋長以歸民之流亡與遠郡之來歸者數千家相率爲生祠以祀之十七年二月卒年六十三贈昭勇大將軍龍興路總管上輕車都尉追封清河郡侯謚宣敏子二人文煥以父蔭任承務郎江州路壽昌縣尹文炳三泐河巡檢文煥子珪初爲高安縣尹有異政由是擢爲江西檢校拜南臺御史繼爲淮西江西二道廉訪僉事用能世其家云

唐慶

唐慶不知何許人事太祖爲管軍萬戶太祖伐金使慶權元帥左監軍歲丁亥賜虎符授龍虎衛上將軍使金壬辰太宗復以慶爲國信使取金質子督歲幣以金曹王來見帝於官山七月使慶再往令金主燕帝號稱臣金主不聽慶輒以語侵之金君臣遂謀害慶夜半令兵入館舍殺慶及其弟山祿興祿并從行者十七人既滅金講求慶屍不得厚恤其家賜金五十斤詔官其子仍計其家人口給糧以養焉

齊榮顯

齊榮顯字仁卿聊城人父旺金同知山東西路兵馬都總管榮顯幼聰悟總角與群兒戲畫地爲戰陳端

坐指揮各就行列九歲代父任爲千戶佩金符從外
舅嚴實來歸屢立戰功攻濠州宋兵背城爲陳榮顯
薄之所向披靡其屬王孝忠力戰中鈎戟榮顯斷戟
拔孝忠出復逐北入其郭而還主帥察罕壯之賜馬
鎧銀器兵趨五河口抵大堤榮顯偕數騎前行覘敵
值邏騎數十從者將退走榮顯曰彼衆我寡若示以
怯必爲所乘援弓策馬射殺兩人乃還進拔五河口
陞權行軍萬戶守宿州墮馬傷股不能復從軍改提
領本路課稅又改本路諸軍鎮撫兼提控經歷司值
新事官鈎校諸路積遺官吏往往遭詬辱榮顯從容
辦理悉爲蠲貸從實入朝授東平路總管府叅議兼
領博州防禦使時十投下議各分所屬不隸東平榮
顯力辯於朝遂止及攻淮南道出東平民間供給費
銀二萬錠榮顯詣新事官懇之得折充賦稅民賴以
不困中統元年謁告侍親閑居十年卒

石天祿

石天祿父珪山東諸路都元帥陷金死節見忠義傳
天祿襲爵字魯承制授龍虎衛上將軍東平路元帥
佩金虎符時宋將彭義斌取大名及中山天祿與李
里海率兵敗之獲金將武仙屢立戰功丙

元史列傳卷三十一
成字魯以功奏遷金紫光祿大夫都元帥鎮戍邊陽
數與金人戰未嘗敗北壬辰皇太弟拖雷南渡河天
祿為前鋒戰退金兵奪戰船數艘夜至歸德城下襲
其營殺三百餘人金將陳防禦出兵追圍天祿天祿
潰圍復戰金兵退走提兵掠亳及徐所過望風附降
癸巳秋九月破考城復圍歸德冬十二月歸德降甲
午入覲改授征行千戶濟兗單二州管民總管乙未
從扎剌溫火兒赤渡淮攻隨州至襄陽夾河寨戰退
宋兵扎剌溫火兒赤賞以戰馬又從攻蘄黃功居其
首身陷天祿括戶東平軍民賦稅並依天祿已括籍
冊嚴實不行科收天祿以病不任職以子興祖襲明
年天祿卒年五十四子十人興祖襲千戶官武略將
軍已未徙代宋攻鄂州至元四年繇宿州率兵拔沁
水諸郡獲不規伺者十餘輩統軍司賞馬二十四匹銀
五百兩錦一十端十二年攻常州為先鋒功在諸將
上宋亡第一功陞宣武將軍管軍總管戍溫州土賊林
大年等構亂出兵圍之斬首千餘級撫諭南溪山寨
歸農者二千餘戶十六年陞顯武將軍領金虎符十
九年七月卒于軍子選嗣

石抹阿辛

元史列傳卷三十一

三十一

石林阿辛適列生氏歲乙亥
千餘戶來歸太師國王未華
史大夫從靈蓋州死焉子杏
軍初其父阿辛所將軍皆猛
歲己卯詔黑軍分屯真定固
附長驅擣汴州入自仁和門
黑軍為最召從國王軍征萬
查刺命滿將充警其東北親
呼馳之隨直陣渡河再戰盡
附長驅擣汴州入自仁和門
黑軍為最召從國王軍征萬
查刺命滿將充警其東北親

摧其飛檣手斬陣卒數十人
三木華黎解錦衣賞之累授
柳城子庫祿滿襲職從攻襄
衛其塔辰刺死焉中統三年
飛矢中額而卒

劉斌

劉斌濟南歷城縣人少孤
張崇起兵為管軍千戶歲壬
都統攻睢陽軍卒杏推
近郊擒車乘夜破之又

三十一

三十一

男力從濟南
以功授中真
開陳盡軍於
擒其將三日

大康陷禁言於帥阿木魯曰大康之平
也移屯襄陽軍乏食斌奔青陵多積穀
深不可涉陳可取狀衆難之斌叱之曰
虞取可必也乃率百騎夜登獲敵人使
澤中五十餘里遣敵兵斌捨馬揮衆突
糧數千斛遷官知中外諸軍事從攻六
城癸卯擢濟南推官辛亥授本道左副
濟南新舊軍萬戶移鎮邳州宋將憚之
子曰居官當廉正自守毋瀆貨以喪身
年六十有二贈中奉大夫參知政事

公諡武莊子思敬

思敬賜名哈八兒都襲父職爲征行千戶世祖南征
從董文炳攻臺山寨先登中流矢傷甚帝親勞賜酒
易金符中統二年授武衛軍千戶從討李壇賜銀六
十錠四年授濟南武衛軍總管捕盜有功又賜銀千
兩至元三年授懷遠大將軍侍衛親軍左翼副都指
揮使四年命築京城八年授廣威將軍西川副統軍
佩金虎符九年宋嘉定守臣皆萬壽乘虛攻成都哈
八兒都邀擊敗之戰于青城宋兵大敗奪所俘二千
人還十二年轉同簽行樞密院事復攻嘉定取之瀘

叙忠治諸部及巴縣等勝龜雲石筍等寨十九族及西南夷五十六部悉來降十三年圍重慶敗宋將張萬得其舟百餘六月廬州復叛哈八兒都妻子沒焉乃率兵討擒其將任慶攻破盤山寨俘九千餘戶又獲其將劉雄及王世昌等夜入東門巷戰殺王安撫等遂克廬州復攻重慶其將趙牛子降禽守臣張珏十六年蜀平拜中奉大夫四川行省參知政事行省罷改四川北道宣慰使十七年授正奉大夫江西行省參知政事治吉贛盜民賴以安二十年卒年五十三贈推忠宣力果毅功臣平章政事柱國封瀆國公謚忠肅子思恭字安道累官昭毅大將軍右衛親軍都指揮使思義宣武將軍昌國州軍民達魯花赤

趙柔

趙柔涑水人有膽略善騎射好施千金末避兵西山柵險以保鄉井時劉伯元蔡友資李純等亦各聚眾數千聞柔信義共推為長柔明號令嚴約東重賞罰為眾所服歲癸酉太祖遣兵破紫荆關柔以其眾降行省八札奏聞以柔為涿易二州長官佩金符丙戌群盜並起柔單騎徧入諸柵說降其眾以功遷龍虎衛上將軍真定涿等路兵馬都元帥佩金虎符兼銀

治總管庚寅太宗命燕管諸處打捕總管丙申加金紫光祿大夫卒至順元年追封天水郡公謚莊靜曾孫世宗榮祿大夫江西行省左丞

列傳卷第

三

翰學言言大為 劉敏

勅修

劉敏

劉敏字有幼宣德青魯人歲壬申太祖師次山西敏時年十二從父母避地德興得房山兵至父母棄敏走大將憐而收養之一日帝宴諸將於行營敏隨之入帝見其貌偉異之召問所自得留宿焉習國語閱二歲能通諸部語帝嘉之賜名玉出入禁闥初為奉御帝征遼而

三十八
十萬悉收其地
兼燕京路歲收
西域工匠千餘
二總管府以故
其役賦玉印
逢辰為安撫
耶律楚材總
弓矢掠民財
冒籍良民為

百獲行矣未授安撫使便宣行事
謀漕運鹽場僧道司天等事給以
及山東山西兵士立兩軍成燕置
子二人佩金符為二府長命敏總
虎符奏佐吏宋元為安撫副使高
各賜銀章佩金符李臻為參謀初
契丹人居多其徒往往中夜挾
禁禁敏戮其渠魁令諸市又豪民
眾敏悉歸之選民習星曆者為司
進名士為之師己丑太宗即位改

造行官
驛傳以
詔曰
城曰秦
氣取不
手詔示之乃已
合重山奉御李
任復辟李孫為
之力君多丙午
辛亥夏六月恩

和琳建萬安宮設宮闈司局
廣宴賜甚渥章云春授行尚書省
司不待與聞俄而牙魯瓦赤自西
漢民帝免其請牙魯瓦赤素剛尚
俾其屬忙哥見誣敏以流言敏出
簡之命察察見赤中書左丞
得實罷牙魯瓦赤仍令敏獨
中書在幕府二十年參贊
真真都剌同行者事
命與牙魯瓦

亦同政甲寅請以子世亨自代帝許之賜世亨銀章
佩金虎符賜名塔塔見台帝論世亨以不從命者黑
之文賜其子世濟世濟敬視台為必開亦入宿衛京氏
宋季陝右數與疾謂見帝曰知有疾不召而來若存
言乎敏曰臣聞天子出巡義當扈從敢辭疾乎但中
原土曠民貧勞師遠伐恐非計也帝弗納敏還居
年豐世祖南征過年豐敏入見論之曰我太祖勵精
圖治見而知者惟爾汝春秋高其彙次以為後法
未幾病歸于燕夏四月李年五十九

王載

字巨川鳳翔號縣人父震金武節將軍游主
性倜儻弱冠舉進士不第乃入終南山讀書涉
孫吳泰和中復下第詣闕上書論當世急務金主
給事縉山元帥府尋用元帥高琪薦特賜進士出
授副統軍守涿鹿隘太祖將兵南下檄鏖戰三日
兵敗見執將戮之神色不變太祖問曰汝曷敢抗我
師獨不懼死乎對曰臣以布衣受恩誓捐軀報國今
既頂軍得死為幸帝義而釋之授都統佩以金符令
招崇山西潰兵從大軍破紫荆關取涿易保州中山
軍次雄州節度使孫吳堅守不下檄入城喻以禍福

吳遂以城降甲戌授宣撫使兼行尚書六部事從三
合張都太傅猛安率兵南征下古北口攻薊雲順等
州所過迎降得漢軍數萬遷國中都乙亥中都降撒
進言曰國家以仁義取天下不可失信於民宜禁虜
掠以慰民望時城中絕粒人相食乃許軍士給糧入
城轉糶故士得金帛而民獲粒食又議田野久荒而
兵後無牛宜差官瀘溝橋索軍回所驅牛十取其一
以給農民用其說得數千頭分給近縣民大悅復業
者衆三合猛安得檄招諭保定新城信安雄霸文安
清滄諸城皆望風款附乃置行司于滄州以鎮之

從猛安入覲授銀青榮祿大夫仍前職兼御史大夫
世襲千戶時河間清滄復叛帝命檄討之復命駙馬
孛堇分蒙古軍及以漢軍三千屬檄遂復河間得軍
民萬口孛堇惡其反復欲盡誅之檄解之曰驅群羊
使東西者牧人也羊何知哉哉其渠魁足矣釋此輩
遷之近縣強者使從軍弱者使爲農此天之所以畀
我也何以殺爲孛堇曰汝能保此輩不復反耶檄曰
可乎移文保仁之俱得全活帝命閣里畢與皇太弟
國二分撥諸侯王城邑諭閣里畢曰漢人中若王宣
撫者可任使之遂以前職兼判三司副使後又命省

臣等拾歸附工匠之數將得大臣分掌之大師阿海
具列諸大臣名以聞帝曰朕有其人偶忘姓名耳良
父口得之矣舊人王宣撫可任是職遂命撤掌之時
都城廟學既燬於兵撤取舊樞密院地復創立之春
秋六年諸生行釋菜禮仍取舊岐陽石鼓列廡下丙戌
從征西夏及秦州夏人蓋撤橋梁爲備軍阻不得前
帝問諸將皆不知計所出撤夜督士卒運木石比曉
橋成軍乃得進戊子奉監國公主命領省中都屬盜
起安結北山盜李密轉掠近縣撤曰都城根本之
地可無備引水環城調度經費撤自爲券假之賈
人而斂不及民人心稍安遣男守謙率軍討諸盜平
之庚寅從征關中長驅入京兆進克鳳翔請于太宗
曰此臣鄉邦也願入城訪求親族果得族人數十口
以歸壬辰從攻汴京癸巳奉命持國書使宋以兀魯
刺副之至宋宋人甚禮重之即遣使以金幣入貢歲
前後凡五往以和議未決隱憂致疾卒于南宋人重
賙之仍遣使歸其柩塋于燕子六人

王守道

王守道字仲履其先真定平山人金亡群盜並起州
縣吏多乘亂貪暴不法民往往殺令丞及屬吏宣撫

司署守道為縣尉衆悅之因轉攝令改真定主簿史
天倪為河北西路兵馬都元帥鎮真定既收大名澤
潞懷孟城邑之未附者以為府經歷及金恒山公武
仙降署為史天倪副帥守道謂天倪曰是人位居公
下意有不平矣然書於此宜先事為備天倪不以
為然未幾果為所害天倪以城反為金史氏之人與
屬縣旁近豪傑皆天倪之弟天澤為主帥攻仙時史
天安在白雲關率兵亦至遂復真定仙走保西山
諸若執守道家人以重幣誘之守道不顧日與史氏
部曲昆弟徵發調度以復離卒遂仙遁去後擢慶源
軍節度使天澤為五路萬戶署守道行軍參謀兼
察使莊聖太后以真定為湯沐邑守道在鎮以累察
頻歲致覲數對稱旨得賜金符錦衣金錢中統三年
天澤入拜左丞相即授真定等路萬戶府參謀至元
七年卒至大元年以子顯貴特贈銀青榮祿大夫大
司徒追封壽國公謚忠惠仁宗即位復加推忠協力
秉義功臣金紫光祿大夫大司徒上柱國

高宣

高宣遼陽人太宗元年詔宣為元帥賜金符統兵從
睿宗攻大名宣進曰今奉命出師伐罪弔民願勿嗜

殺以稱上意睿宗召元帥木乃諭之下令軍中如宣
言及城破兵不血刃民心悅服四年正月從破金兵
三峯山降宣者二千餘戶籍以獻立打捕鷹坊都總
管府統之以宣為都總管賜金符仍令子孫世其職
卒皇慶二年贈宣力功臣銀青榮祿大夫大司徒追
封營國公諡簡僖子天錫事世祖潛邸為必闕赤入
宿衛甚見親幸中統二年授以其父官為鷹坊都總
管四年改燕京諸路奧魯總管遷按察副使仍兼鷹
坊都總管天錫語丞相孛羅左丞張文謙曰
衣食之末不務本則民衣食不足教化不可

王政莫先於此願留意焉丞相
司以天錫為中都山北道巡行勸農使兼司農丞尋
遷司農少卿巡行勸農使又遷戶部侍郎追嘉議大
夫兵部尚書卒後贈推忠保義功臣太保儀同三司
上柱國追封營國公諡莊懿子諒裕宗初封燕王以
諒為符寶郎俄命襲其父官為鷹坊都總管裕宗甚
愛之謂符寶郎董文忠曰汝為我
戶隸於我庶得諒盡力為我州
幾授諒嘉議大夫遷兵部尚書卒
德贊治功臣太師開府儀同三司
忠入奏帝從之未
在國追封營國

公謚宣靖子塔失不花成宗命世其祖父言以居喪
辭大德元年授奉議大夫章無益四年改朝列大
夫利用益丞八年陞少監武宗即位授中議大夫秘
書監丞仁宗居東宮召入宿衛至大三年冬遷少中
大夫納綿府達魯花赤且諭之曰此先世所守舊職
也皇慶元年春改授嘉議大夫同知崇祥院事冬進
資德大夫為院使延祐四年夏四月帝謂塔失不花
曰汝祖嘗為司農今復以授汝遂遷祭祿大夫大司
農塔失不花撰集前代嘉言善行永華事畧并書幽風圖以進帝覽之獎諭曰汝能

正朕甚嘉之命置圖書東宮得太子時時觀
中改集禧院使退居于家

王汝

字君璋鄆人少習吏事金末遷民南渡王汝
親從間道運行臺嚴實入漢鄆署王汝為掾史
補行臺令文中書令耶律材過東平奇之版
東五路奏差官以事至京師遊楚材門待之若家
人父子然實年老艱於從成王汝奏請以本府總管
代之行夏津吳王汝奏請復其民一歲濟州長官欲
以州直隸朝廷六名長官欲以冠

大名王汝訢嘗辨正之戊戌以東平地分封諸勳貴裂而高十冬私其入與有司無相讓王汝訢曰若是則嚴公事業存者無幾矣夜靜天於空病榻後明日召問其故曰王汝訢爲嚴公之使今嚴公之地分裂而不能救正無面目還報將死此荒寒之時是以哭可楚材惻然良久使詣帝前陳懇王汝訢言曰嚴實以三十萬戶歸朝廷崎嶇兵間三棄其家室卒無異志豈與他降者同今裂其土地析其人民非所以旌有功也帝嘉王汝訢忠款且以其言爲直由是得不分遷行臺知事仍遙領平陰今辛丑實子忠濟襲職授左右司郎中遂總行臺之政分封之家以嚴氏總握其事不自便定宗即位智聚關下復欲剖分東平地是時衆心危疑將俛首聽命王汝訢力辨群言事遂已憲宗即位有旨令常賦外歲出銀六兩謂之包祭銀王汝訢曰民力不支矣糾率諸路管民官懇之關下得減三分之一累官至龍虎衛上將軍奉定軍節度使兼充州管内觀察使充行臺參議壬子以病謝事杜門日以經史自娛乙卯忠濟使入謂王汝訢曰君問久矣可暫起爲吾分憂王汝訢堅辭以參議印強委之不得已起視事僅五六日裁畫署置煥然一新八月既望有

星隕庭中已而玉汝卒

焦德裕

焦德裕字寬父其遠祖贊從宋丞相富弼鎮瓦橋關
遂為雄州人父用任金西東鹿李種千戶守雄州北
門太祖兵至州人開南門降用務力戰遂生獲之帝
以其忠壯釋不殺復舊官徇地山東未嘗妄殺一人
年六十二卒後以德裕貴追贈中書左丞封恒山郡
公謚正毅德裕通左氏春秋少拳勇善射從其舅鮮
昌軍中金將武山殺真定守史天倪仙既敗走其黨
保仙故壘數侵掠太行太宗擇廷

臣有才辯者往相之楊惟中以德裕薦遂使真定降
齊福擒趙貴王顯亡走德裕追射殺之其地悉平詔
賜并陘北障城田中統三年李壇平世祖命德裕出
赦益都四年賜舍符為闡達等處都元帥府參議宋
臣夏貴圍宣撫使張庭瑞于虎嘯山實薪土塞水源
人無從得飲帥府檄德裕援之德裕夜薄貴營令卒
各持三炬貴驚走道及鵝谿斃千人獲馬畜兵仗萬
計陞京畿漕運使至元六年命陝西道提刑按察司
事八年轉西夏中興道按察副使十一年從丞相伯
顏南征授憲行中書省事遂從下安慶至鎮江焦山

寺主僧誘吾民叛丞相阿木說誅其魁欲盡阮其徒
德裕諫止之命德裕先入城撫定宋平賜予有加奉
青求異人異書平章阿合馬譜丞相伯顏殺丁家洲
降率事奏以德裕為中書參政欲假一言證成之德
裕辭不拜久之德裕為淮東四郡守為應元帥帖哥
得其檄即械郡守皆新降將天子既寵綏之有地
家德裕言四人者報効安有他觀奈何以疑似殺
民盈所望矣方其盡復其官拜福建行省參知政事

二十五年卒年六十九贈榮祿大夫平章政事追
恒國公謚忠肅子簡餘姚州知州潔信州治中

石天麟

石天麟字天瑞順州人年十四入見太宗因留宿衛
天麟好學不倦於諸國書語無不習帝命中書令耶
律楚材釐正庶務選賢能為參佐天麟在選賜名蒙
古台宗王征西域以天麟為斷事官憲宗六年遣天
麟使海都拘留久之既而邊將劫皇子北安王以往
寓天麟所天麟稍與其用事丞相親狎因語以宗親
恩義及臣子逆順禍福之理海都聞之悔悟遂遣天

麟與北安王同歸天麟被拘留二十八年始得還世
祖大悅賞賚甚厚拜中書左丞兼御史大夫天麟辭曰
臣奉使無狀陛下罪赦弗誅何可復叨榮寵况臣才
識淺薄年力衰憊豈能任政恐徒貽廟堂羞不敢奉
詔帝嘉其誠愛慰良久從之有譖丞相安童嘗受海
都官爵者帝怒天麟奏曰海都寔宗親偶有違言非
仇敵比安童不拒絕之所以釋其疑心導其臣順也
帝怒乃解江南道觀偈藏宋主遺像有僧素與道士
惡發其事將置之極刑帝以問天麟對曰遼國主
銅像在西京者今尚有之未聞有禁令也事遂寢

麟年七十餘帝以所御金龍頭杖賜之曰卿年老
出入宮掖杖此可也時權臣用事凶焰薰炙人莫敢
言天麟獨言其姦無所顧忌人服其忠直成宗即位
加榮祿大夫司徒大宴玉德殿召天麟與宴賜以御
藥命左右勸之酒頗醉命御輦送還家武宗即位進
平章政事至大二年秋八月卒年九十二贈推諫宣
力保德頌戴功臣開府儀同三司太師上柱國追封
翼國公謚忠宣子珪累官治書侍御史遷樞密副使
復為侍御史拜河南行中書省右丞陞榮祿大夫南
臺御史中丞卒次子懷都初襲斷事官累遷刑部尚

書荆湖北道宣慰使孫哈藍赤襲斷事官

李邦瑞

李邦瑞字昌國以字行京兆臨潼人世農家邦瑞幼嗜學讀書通大義嘗被掠逃至太原為金將小史從守關漫山寨國王木華黎攻下諸城堡金將走邦瑞率衆來歸復居太原守臣惜其材具鞍馬遣至行在房中書以其名聞歲庚寅受旨使宋至寶應不得入未幾命復往仍諭山東淮南路行尚書省李全護送宋仍拒之復奉旨以行邦瑞道出蘄黃宋遣賤者迎邦瑞怒叱出之宋改命行人乃議知約而還

慰勞賜車騎旃裘衣裝及銀十錠邦瑞因奏干戈之際宗族離散乞歸尋訪帝諭速不斛察罕臣刺達海等邦瑞馳驛南京詢訪親戚或以隸諸部者悉歸之甲午從諸王濶出經畧河南凡所歷河北陝西州郡四十餘城繪圖以進授金符宣差軍儲使乙未夏六月卒子榮

楊奐

楊奐字煥然乾州奉天人母嘗夢東南日光射其身旁一神人以筆授之已而奐生其父以為文明之象因名之曰奐年十一母歿哀毀如成人金末舉進士

不中乃作萬言策指陳時病皆人所不敢言者未及
上而歸教授鄉里歲癸巳金元帥崔立以汴京降
真徽服北渡冠氏帥趙嵩之即延致真待以師友之
禮門人有自京師載書來者因得聚而讀之東平嚴
實聞真名數問其行藏真終不一詣戊戌太宗詔宣
德稅課使劉用之試諸道進士真試東平兩中賦論
第一從監試官北上謁中書耶律楚材楚材奏薦之
授河南路徵收課稅所長官兼廉訪使真將行言於
楚材曰僕不敏誤蒙不次之用以書生而理財賦已
非所長又况河南兵荒之後遺民無幾煎餅之喻正
者今日急而擾之糜爛必矣願假以歲月使得撫摩
瘡痍以爲朝廷愛養基本萬一之助楚材甚善之真
既至招致一時名士與之議政事約束一以簡易爲
事按行境內親問監務月課幾何難易若何有以增
額言者真責之曰剝下欺上汝欲我爲之耶即減元
額四之一公私便之不踰月政成時論翕然以爲前
此漕司未之有也在官十年乃請老于燕之行臺壬
子世祖在潛邸驛召真參議真北宣撫司事累上書
得請而歸乙卯疾篤處置後事如平時引觴大笑而
卒年七十賜諡文憲真博覽強記作文務悉陳言以

三ノ十二
蹈襲古人為耻朝廷諸老皆折行輩與之交關中書
號多士名未有出真右者負不治生產家無寸金之
業而喜周人之急雖力不贍猶勉強為之入有片善
則委曲稱獎唯恐其名不聞或小過失必盡言勸止
不計其怨怒也所著有還山集六十卷天學近鑑三
卷正統書六十卷行于世

賈居貞

賈居貞字仲明真定獲鹿人年十五汴京破奉母居
天平甫冠為行臺從事時法制未立人以賄賂相交
結有饒黃金五十兩者居貞卻之太宗聞而嘉歎勅

有司月給白金百兩以旌其廉世祖在潛邸知其賢
召用之俾監築上都城訖事以母喪歸世祖即位中
統元年授中書左右司郎中從帝北征每陳說貨治
通鑑雖在軍中未嘗廢書一日帝問郎俸幾何居貞
以數對帝謂其太薄勅增之居貞辭曰品秩宜然不
可或臣而紊制劉秉忠奏居貞為參知政事又辭曰
他日必有由郎官授例求執政者將何以處之不拜
至元元年參議中書省事詔與左丞相樞行者河東
山西罷侯置守五年壽為中書郎中時阿合馬擅權
居貞之改給事守員丞相更天澤等參修國史十一年

丞相伯顏伐宋居貞以宣撫使議行省事既渡江下
鄂漢伯顏以大軍東下留右丞阿里海涯與居貞
魯鎮之居貞曰江陵要地乃宋輔閭重兵所屯
將不睦遷徙之民盈城復皆疫疾為薪乏闕杜
敢無採不乘隙先取之迨春水漲恐上流為彼所乘
則鄂危矣驛聞十二年春命阿里海涯領兵取江陵
居貞以僉行省事留鄂於是發倉廩以賑流亡宋宗
室子孫流寓者廩食之不喪其服而行其諸幣東南
天下州郡商旅留滯者給引以歸之免括商稅并湖
不若造舟百數以爲水軍不致爲民一方安之矣
安邦以信陽來歸遣入觀裨將陳思聰屠其家居貞
以計召至數思聰罪而誅之宋幼主既降其相陳宜
中等挾二王逃閩廣所在扇惑民爭應之斯川寇起
司空山屬縣民傅高亦起兵應居貞移檄諭以禍福
其下往往渙散壓以官軍遂削平之高變姓各遷避
藁而殺之初遣鄭萬戶討賊鄭言鄂之大姓嘗與傅
高通請先除之以絕禍本居貞曰高鼠子無知行就
殺矣大逆何預吾能保其無他鄭既領兵出智其所
善部將戒曰聞吾還軍汝即舉降賊樓內外合聲當
盡殺城中大姓會其人戰敗溺死其事始訖十四年

蘇湖北宣慰使命未下居貞閉門不出而驕將悍平
合謀擾民乃復出視事人恃以無恐及行部之老幼
號送于道刻其像于后祠之泮宮十五年遷江西行
省參知政事未至民垂千里迎許時逮捕民間受宋
二王文帖者甚急坐繫巨室三百餘居貞至悉出之
殺其文帖于水火士卒有挾兵入民家誣為藏匿以
取財者取人子女為奴妾者皆痛繩以法大水壞民
廬居貞發廩賑之南安李梓發作亂居貞慮將帥出
兵擾民請親往卒纒千人營于城北遣人諭之賊衆
居貞至皆散匿不復為用梓發閉妻子一室自

死比還不戮一人杜萬一亂都昌居貞調兵擒之有
列巨室姓名百數來上云與賊連居貞曰元惡誅矣
蔓延何為命火其牒十七年朝廷再征日本造戰艦
于江南居貞極言民困如此必致亂將入朝奏罷其
事未行以疾卒于位年六十三贈推忠輔義功臣銀
青榮祿大夫中書平章政事追封定國公仲子鈞
鈞字元播幼讀書淵默有容由權茶提舉拜監察御
史僉淮東廉訪司事行臺都事入為刑部郎中改右
司郎中參議中書省事仁宗即位拜參知政事尋遷
尚書省所立法遷僉書樞密院復參知政事賜紫衣

寶帶龐養有加為政持大體風裁峻整不子子鈞名
譽皇慶元年從幸上都遇疾卒于家前後詔賜
萬貫供葬享子洪立嗣

列傳卷第四十一

元史一百五十四

翰林學士史知制誥燕一國史下宋濂翰林待制承直郎同知制誥燕國史院編修官

勅修

洪福源

俊奇

君祥

萬

洪福源其先中國人唐遣才子八人徃教高麗洪其一也子孫世貴於三韓名所居曰唐城父大宣以都領鎮麟州福源為神騎都領因家焉歲丙子金源契丹九萬餘眾竄入高麗丁丑九月奪江東城池據之戊寅冬十二月太祖命哈赤吉札刺將兵追討大宣迎降與哈赤吉札刺擊之降其元帥趙忠壬午冬十

月又遣着古與等十二人窺覘納款虛實還遇害辛卯秋九月太宗命將撒里答討之福源率先附州縣之民與撒禮塔併力攻未附者又與阿兒禿等進至主京高麗王暎乃遣其弟懷安公請降遂置王京及州縣達魯花赤七十二人以鎮之師還壬辰夏六月高麗復叛殺所置達魯花赤悉驅國人入據江華島福源招集北界四十餘城遺民以待秋八月太宗復遣撒禮塔將兵來討福源盡率所部合攻之至王京慶仁城撒禮塔中流矢卒其副帖哥引兵還唯福源宣統元年乙亥冬十月高麗悉衆來攻西京屠其民家宣統元年宣以東福源遂盡以所招集北界之衆來歸處於遼陽瀋陽之間帝嘉其忠甲午夏五月特賜金符爲管領歸附高麗軍民長官仍令招討本國未附人民又降旨諭高麗之民有執王暎及元構難之人來朝者與洪福源同於東京居之優加恩禮擢用若大兵既加拒者死降者生其降民令福源統之乙未帝命唐古拔都兒與福源進討攻拔龍崗咸從二縣鳳海洞三州山城及慈州又拔金山歸信昌朔州己亥春二月入朝賜以鎧甲弓矢及金織文段金銀器金鞍勒等乙巳定宗命阿母罕將兵與福源共拔威州平虜

城辛亥憲宗即位改授虎符仍為前後歸附高麗軍
民長官癸丑從諸王耶虎攻禾山東州春州三角山
楊根天龍等城拔之甲寅與扎刺台合兵攻光州安
城忠州玄鳳珍原甲寅果等城又拔之戊午福源
遣其子茶丘從扎刺台軍會高麗族子王縛入質陰
欲併統本國歸順人民譜福源于帝遂見殺年五十
三後贈嘉議大夫瀋陽侯謚忠憲子七人俊奇君祥
景知名

俊奇小字茶丘福源第二子也幼從軍以驍勇受知
世祖嘗以小字呼之中統二年秋茶丘雪父冤世祖

因之詔諭之曰汝父方加寵用誤維刑章故於已廢
之中庸沛維新之澤可就帶元降虎符襲父職管領
歸附高麗軍民總管至元六年高麗權臣林衍叛冬
十一月詔以其軍三季從國王頭輦哥討平之遷仁
華島所有臣民復歸王京十二月帝命茶丘率兵往
鳳州等處立軍曰總管府八年二月入朝賜鈔百緡
林衍餘黨裴仲孫等立高麗王禎親屬承化侯為王
引三別抄軍德珍島以叛三月茶丘奉旨偕經略侯
欣都進兵討之破其軍殺承化侯其黨奎通精率餘
眾走耽羅帝遣侍衛親軍千戶王岑與茶丘議征取

之策茶立表陳通精之黨多在王京可使招之招而不從擊之未晚從之俄奉旨往羅州道監造戰船且招降號羅茶立得通精之姪金永等七人俾招之通精不從留金永餘盡殺之十年詔茶立與欣都率兵渡海擊破號羅獲通精殺之悉免其脅從者高麗始平十一年又命監造戰船經營日本國事三月授昭勇大將軍安撫使高麗軍民總管如故己卯命茶立提點高麗農事八月授東征右副都元帥與都元帥忽敦等領舟師二萬渡海征日本拔對馬二岐耳備等島十四年正月授鎮國上將軍東征都元帥鎮國

二月率蒙古高麗女真漢軍從丞相伯顏北征叛只魯瓦牙等四月至腕刺河猝與賊遇茶立突陣無前伯顏以其勇聞賜白金五十兩金鞍勒弓矢十七年授龍虎衛上將軍征東行省右丞十八年與右丞欣都將舟師四萬由高麗金州合浦以進時右丞范文虎等將兵十萬由慶元定海等處渡海期至日本一岐平戶等島合兵登岸兵未交秋八月風壞舟而還十九年十月命茶立於平瀨黑塌兒監造戰船七百艘以圖後舉二十一年十一月復授征東行省右丞二十三年命往江浙等處遣漢人復業二十四

年乃顏叛車駕親征賜以綢緞甲寶刀命率高麗女
直漢軍扈從猝遇乃顏騎兵重餘時茶立兵不滿三
千衆有懼色茶立夜令軍中多裂裳帛爲旗幟斷馬
尾爲旄掩映林木張設疑兵乃顏兵大驚以爲官兵
大至遂降帝聞之厚加旌賞凱還授遼陽等處行尚
書省右丞二十七年以燕辭叛王哈丹等竄入高麗
侵撓其國西京距遼陽二千里皆騷動中書省特遣
茶立鎮遼左帝遣閣里台字羅兒賜以金字圓符命
茶立以便宜行事二十八年以疾卒年四十八年
人長曰萬

君祥小字雙叔福源第五子也年十四隨兄茶立見
世祖于上京帝悅命劉秉忠相之秉忠曰是兒目視
不丸後必以功名顯但當致力平學耳令選師儒誨
之至元三年籍高麗民三百人爲兵令君祥統之從
禿花禿烈伯顏等軍築萬壽山復從開通州運河帝
親諭之曰爾守志忠勤朕所知也帝嘗坐便殿閱江
南海東輿地圖欲召知者詢其險易左丞相伯顏
密副使合達以君祥應旨奏對詳明帝悅酌以巨觥
顧謂伯顏曰是兒遠大器也六年林行叛從頭釐哥
征之八年成河南九年掠淮西破其大四歲十年從

元帥字魯罕襲淮東之陽湖俘其男女牛馬十一年
 入朝帝命伯顏伐宋朝議以宋之兵力多聚兩淮聞
 我欲渡江彼必移師拒守遂命右衛指揮使禿滿可
 率輕銳二萬攻淮安以牽制之君祥以蒙古漢軍都
 鎮撫從行後伯顏既渡江帝命禿滿可還軍蕭縣時
 君祥奉使伯顏軍中宋黃州制置使陳奕降其子知
 連水軍伯顏遣三十騎往招之因令君祥入奏帝曰
 卿可急還陳知府降即偕來也及與俱入朝宴勞甚
 厚從元帥字魯罕攻清河援之海州安撫丁順約降
 遂從商伐伯顏克淮安至揚州分兵攻淮西宋制置
 夏貴遣牛都統以書抵伯顏曰諺云殺人一萬自損
 三千願勿廢國力攻奪邊城若行在歸附邊城焉往
 伯顏遣君祥以牛都統入見留三日還軍中仍傳旨
 諭伯顏曰事難遙度宜臨機審圖之伯顏師次鎮江
 謀報有宋洪都統者為都督府將伯顏謂君祥曰汝
 同姓可往招致也洪都統即欣然來見君祥因厚遇
 之師進次臨平山距臨安五十里洪都統來報曰宋
 丞相陳道中殿帥張世傑皆已逃去惟三官未行宜
 早定計以活生民伯顏遂令洪都統護宋三官令君

元史列傳卷四十一

五

祥隨之宋降陞武略將軍中衛親軍千戶十五年命
食江南民兵還陞明威將軍中衛親軍副都指揮使
十七年進昭勇大將軍十九年授樞密院判官二十
三年轉昭武大將軍同僉樞密院事二十四年乃顏
叛從世祖親征每駐蹕君祥輒以兵事外環為營備
布置嚴密帝嘉之凱還加輔國上將軍類次車駕起
居為東征錄二十八年授遼陽行省右丞用樞密院
留復居舊職俄加集賢大學士依舊同僉樞密院事
議者欲自東南海口辛橋開河合灤河運糧至上
與中書右丞阿里相其利信還極言不便罷

從奉使高麗還改僉書樞密院事成宗即位詔裁減
久任官知樞密院暗伯等奏君祥在樞密十六年最
為久者帝曰君祥始終一心可勿遷也大德二年詔
使高麗臺臣劾君祥以他事中道追回已而事罷三
年奉使江浙問民間疾苦使還退居昌平之皇華山
絕口不論時事者五年大德九年擢司農後拜中書
右丞十年春改江浙行省右丞秋改遼陽右丞請於
朝宜新省治增巡兵設儒學提舉官都鎮撫等員以
興文化修武備事未成會武宗即位徵為同知樞密
院事進榮祿大夫平章政事商議遼陽等處行中書

省事改遼陽行省平章政事歲改商議行省事至大
二年卒子邁奉訓大夫同知開元總管府事

萬小字重喜至元十三年入宿衛十八年襲職為懷
遠大將軍安撫使高麗軍民總管仍佩父茶丘所佩
虎符二十四年乃顏叛率兵征之六月至徽里禿魯
之地同都萬戶闊里鐵木兒與乃顏將黃海戰大敗
之又從世祖與塔不台戰又敗之是月至乃顏之
奉旨留蒙古女直漢軍鎮哈刺河復選精騎扈從
失剌幹耳朶從御史大夫玉速帖木兒討乃顏
至扎刺麻禿與金家奴戰敗之追至蒙可山那

等處遂平金家奴塔不台等九月師還哈丹八剌哈
赤再叛十月重喜從諸王愛牙哈赤平章塔出都萬
戶闊里鐵木兒征之十二月次木骨不剌時諸王脫
歡監司脫魯不剌四千餘人與其黨戰稍却重喜率
騎兵援之貝錫陷陣大破其衆又從諸王乃蠻愛牙
哈赤平章薛闊干與叛王兵戰于兀木站又戰于黑
龍江又戰于貼滿哈處此敗之二十五年重喜又從
玉速帖木兒出師五月至貼剌可與哈丹禿魯干戰
獲功至木骨兒地刺又戰八月至魯列河重喜率兵
先涉與戰勝之十月又從玉速帖木兒往征木八蘭

元史卷一百一十一

十二月與古土禿魯干戰克之二十七年六月賜白金五十兩甲一襲九月至渾春與哈魯禿魯干戰二十八年二月從平章薛闡干至高麗青州五月與哈魯戰八日又戰大敗之六月班師授紹勇大將軍佩三珠虎符職如故十月薛闡干以重喜入朝且以其功聞帝嘉之賜玉帶一白金五十兩授龍虎衛上將軍遼陽等處行中書省右丞二十九年丙午元降虎符總管高麗女直漢軍萬戶兼安撫使高麗軍民總管六月改資德大夫遼陽等處行中書省右丞大德十年以其叔父君祥代之十一年武宗即位重喜朝于上都七月復授遼陽行省右丞至大二年謫漳州行至抗遇赦而止明年卒子滋襲爵

鄭鼎

鄭鼎澤州陽城人幼孤能自立讀書曉大義不妄言笑既長勇力過人尤善騎射初為澤潞道沁千戶歲甲午從塔海紺不征蛋攻二里墩關屢立戰功還克秦中未幾宋將余侍郎燒絕棧道以兵圍興元鼎率眾修復之破宋兵解興元之圍乙巳遷陽城縣軍民長官京成從憲宗征大遼國自六盤山經臨洮下西蕃諸城抵雪山山徑盤屈舍騎徒步嘗背負憲宗以

行敵擾扼險要鼎奮其力戰敵敗北帝壯之賜馬三匹至金沙河波濤淵湯帝臨水傍危石立馬觀之鼎諫曰此非聖躬所宜親扶下馬帝嘉之俄圖大理晝夜急攻城陷禽其主大理平師還命鼎居後道經吐蕃金軍而歸辛亥入朝帝問以時務鼎敷對詳明帝嘉納之賜名曰也日拔都已未賜白金千兩從世祖南伐攻大勝關破之繼破臺山寨禽其守者胡知縣乘勝獨進前陷派海邊伏兵突出護帝問鼎奮擊連殺三人餘衆遁去帝急召鼎還使者以聞帝曰為將不可恃勇輕進遂分界衛士三百人以備

虞且戒之曰自今非奉朕命毋得輕與敵接秋九月帝駐蹕江游命諸將南渡先達彼岸者舉烽火為應鼎首奪南岸衆軍異渡進圍鄂州戰益力刑攻與國軍遇宋兵五千力戰破之擒其將桑太尉責以懦弱不忠所事斬之中統元年以功遷平陽太原兩路萬戶阿蓋答兒渾都海之亂鼎分率本道兵討之二年詔鼎統征西等軍成雁門關隘遷河東南北兩路宣撫使三年改授平陽太原宣慰使至元三年遷平陽路總管是歲大旱鼎下車而雨平陽地狹人衆常乏食鼎乃導分之民田千餘頃開潞河鵬黃嶺道以

來天黨之粟修德
民德之七年改命
東川迥嘉定通四
船八年五月改軍
二年鎮黃州夏四
毅大將軍賜白金
移鎮鄂州夏五月
口舟覆溺死年六
可拔都遇害其叛
從之贈中書右丞
被厲風俗建橫澗故橋以便行旅
書西蜀四川行尚書省事將兵巡
兵與戰江中擒其將李越悉獲戰
前行尚書省事十一年從伐宋十
月改授淮西宣慰使十三年加昭
五百兩十四年改湖北道宣慰使
斬黃二州叛鼎將兵討之戰于樊
十有三十七年董文忠等奏鄭也
人家屬物產宜悉與其子納懷帝
謚忠毅後加贈宣忠保節功臣平

章政事在國追封潞國公謚忠肅子制宜
制宜小字納懷性聰敏莊重有器局通習國語至元
十四年襲父職太原平陽萬戶為戍鄂州時鄂關守
俾攝府事十九年朝廷將征日本遣樓船何家洲洲
地狹衆欲徙旁居民制宜不從改授寬地居民德之
城中屢災或言于制宜曰恐真入乘間為變宜捕其
疑似者痛治之制宜曰吾但嚴守備而已柰何濫及
無辜不答一人多亦遂息有盜伏近郊晨暮剽劫流
言將入城俄有數男子自城外至顧盼異常制宜命
吏縛入獄問之無驗行省疑其詐將釋之不從明日

再出城東遇一人乘白馬貌服殊異制宣叱下訊之
乃與前數男子同為盜者遂正其罪一郡帖然二十
四年扈駕東征乃願請赴敵自效帝顧左右曰而父
歿王事惟有一子毋使在行陣制宣請愈力乃命從
自兒呂那顏別為一軍以戰功授懷遠大將軍樞密
院判官明年車駕幸上都舊制樞府官從行歲留一
員司本院事漢人不得與至是以屬制宣制宣遜辭
帝曰汝豈漢人比耶竟留之二十八年遷湖廣行省
參知政事陸辭帝曰汝父死王事賞未汝及近者
東木伏誅已籍沒其財產入畜池可擇其佳者取之

制宣對曰彼以賊敗臣復取之寧無汚乎帝賢其所
守賜白金五千兩未幾徵拜內臺侍御史安西舊有
牧地國人恃勢言奪民田十萬餘頃言者有司積
不能理制宜奉詔而往按圖籍以正之詔由是息三
十年除湖廣行樞密副使湖南地闊遠群寇依險出
沒昭賀二州及廬陵境民常被害制宜率備師二
州道經廬陵永新獲首賊及其黨皆殺之茶鄉蠻酋
龍者聚惡少年匿兵器為姦既捕獲其家納賂以緩
獄事制宜悉以勞軍斬計龍于市自是湖以南無復
盜賊元貞元年有制行樞密院添置副使一員與制

宣連署制宜以負非常設先任者當罷俄入朝特授
大都留守領少府監兼武衛親軍都指揮使知屯田
事大德八年晉地大震平陽尤甚壓死者眾制宜承
命存恤懼緩不及事晝夜倍道兼行至則親入里巷
撫瘡殘給粟帛存者頽之成宗素知其名眷遇殊厚
每侍宴輒不敢飲終日無惰容帝察其忠勤屢賜內
醢輒持以奉母帝聞之特封其母蘇氏為潞國太夫人
十年制宜以疾終年四十有七贈推忠贊治功臣
錄青榮祿大夫平章政事追封澤國公謚忠宣子
兒思蘭嗣

李進

李進係定曲陽人幼隸軍籍初從萬戶張柔屯杞之
三义寨時荆山之西九十里曰龍岡者宋境也歲庚
戌柔張柔引兵築堡岡上會淮水汎漲宋以舟師奪
至主帥梁罕率軍逆戰進以兵十五人載一舟轉鬪
十餘里奪一巨艦遂以功陞百戶戊午憲宗西征丞
相史天澤時為河南經略大使選諸道兵之驍勇者
從遂命進為總把是年秋九月道由陳倉入興元度
米倉關其地荒塞不通進伐木開道七百餘里冬十
一月至定遠七卡關其關上下皆築連堡宋以五百

又守之巴渠江水環堡東流天澤命進往關下說降
之不從進潛視間道歸白天澤曰彼可取也是夜二
鼓天澤遣進率勇士七十人掩其不備攻之脫門樞
而入者二十人守門者覺拔刀拒之進被傷不以爲
病懸門戢閉諸軍不得入進與二十人力戰殺傷三
十人後兵走上堡進乃毀懸門納諸軍追至上堡殺
傷甚衆宋兵不能敵棄走夜將旦進遂得其堡守之
關路始通諸軍盡度進以功受上賞己未春二月天
澤兵至行在所圍合州釣魚山寨夏五月宋由嘉陵
江以舟師來援始大戰三指山西六月戰山之東
功秋七月宋兵戰艦三百餘泊黑石峽東以輕舟五
十爲前鋒北軍之船七十餘泊峽西相距一里許帝
立馬東山擁兵二萬夾江而陣天澤乃號令於衆曰
聽吾鼓視吾旗無少怠也頃之聞鼓聲視其旗東指
諸軍遂鼓譟而入兵一交宋前鋒潰走戰艦繼亂順
流縱擊死者不可勝計帝指顧謂諸將曰白旗下服
紅半臂突而前者誰也天澤以進對賞錦衣名馬八
月又戰浮圖關前後凡五戰皆以功受上賞卅祖即
世入爲侍衛親軍中統二年宣授總把賜銀符三年
從征李璫有功至元八年領兵赴襄陽十二年從略

地湖北湖南宋平以兵馬使分兵屯鄂州十三年領
置二千屯四河西中興府十四年加武略將軍陞千
戶十五年移屯六盤山加武毅將軍賜金符十七年
陞明威將軍管軍總管十九年賜虎符復進懷遠大
將軍命屯西域別石八里二十三年秋海都及篤
娃等領軍至洪水山進與力戰衆寡不敵軍潰進被
擒從至捺八里遁還至和州收潰兵三百餘人且戰
且行還至京師賞金織紋衣二襲鈔一千五百貫二
十五年授蒙古侍衛親軍都指揮使司僉事明年改
授左翼屯田萬戶元貞元年春卒子雲襲授武德將
軍左翼屯由萬戶佩虎符皇慶二年加宣武將軍

石抹按只

石抹按只契丹人卅居太原父大家奴率漢軍五百
人歸太祖歲戊午按只代領其軍從都元帥紐璘攻
成都時宋兵聚於虛泉按只以所部兵與戰大敗之
殺其將韓都統又從都元帥按敦攻廬州按只以戰
艦七十艘至馬湖江宋軍先以五百艘控扼江廣按
只擊敗之時宋兵於沿江撒橋據守按只相地形造

浮橋師至無留行宋欲撓其役兵出
達合江涪江清江凡立浮橋二十餘
橋之功居多已未宋以巨艦載甲士
濟相距七十日水暴漲浮橋壞西岸
軍東岸急撤浮橋聚舟岸下士卒得
部軍五百餘人先鋒奔察火魯赤以
諭賞賜甚厚叙州守將橫截江津軍
軍中牛皮作渾脫及皮船乘之與戰
口為浮橋以濟師中統三年授河中
總管佩金符以立浮橋功也至元四
帶兒攻瀘州按只以水軍與宋將陳
于馬湖江按只身被二創戰愈力敗
速帶兒領兵趨瀘州遣按只以舟運
水道進宋兵復扼馬湖江按只擊敗
奪其船五艘復以水軍一千運糧於
賴之九年從征建都蠻歲餘不下
戰遂降之軍還道病卒行省承制以
其軍不老從攻嘉定以巨艦七十
據其上流於府江紅崖灘造浮橋以
降宋將鮮于都統率衆遁不老追至
大佛灘盡斃之

行院汪田哥攻取紫雲瀘叙等城不老功最多及諸
軍圍重慶不老先以戰艦三百艘列陣於觀灘纜其
走路十三年領隨翼軍五百人會招討藥刺海豎柵
於白水江岸以為備不老乘夜襲宋軍直抵重慶城
下攻千斯門宋軍驚潰溺死者衆生擒三十餘人獲
其旗幟甲仗以獻宋涪州守將率舟師來援不老擊
敗之於廣陽坝生獲六十餘人奪其船十艘十四年
從攻瀘州不老勒所部兵攻神臂門蟻附以登斬首
五十級明日復戰破之十五年復攻重慶太平門不
老先登殺其守陣卒數十人宋都統趙安以城降總

管黃亮乘舟遁不老追擒之及其兵士五十人奪戰
艦五十艘十六年命襲父職為懷遠大將軍船橋軍
馬總管更賜金虎符兼夔路守鎮副萬戶十八年大
小盤諸峒蠻叛命領諸翼蒙古漢軍三千餘人戍施
州既而蠻酋向貴擅用等降其餘峒蠻之未服者悉
平遂以為保寧等處萬戶

諤只里

諤只里女直人也大父昔寶味也不平登金進士第
金亡歸太宗諤只里幼穎悟能記誦及長以孝友聞
事世祖潛邸徃備宿衛中統初命恭讓陝西行樞密

院事以商挺佐之比行入奏曰關陝要地軍務非輕
阿脫仰刺國之元臣陛下方委任之伏慮臨時議論
不協必誤大計儻有異同臣請得以士聞帝可其奏
賜宴而遣之未幾改行省斷事官復入宿衛李壇平
朝議選宿衛之士監漢軍謁只里佩虎符監軍於毗
陽至元七年命為監戰以所領諸軍圍襄陽築一字
堡以張軍勢一時名將唆都劉國傑李庭等皆隸麾下
下攻樊城率其軍先登破之所受賞賜悉分將士十
一年從丞相伯顏次郢州將數騎而出與宋兵遇有
部卒墮馬為其所得謁只里單騎橫戈直入其軍東
之以還因殺獲四人時糧儲不繼諸將以為憂謁只
里乃西攻江陵龍灣堡取其粟萬石衆賴以濟元兵
東下宋將夏貴迎戰於陽邏狀伯顏未至衆欲少俟
之謁只里曰兵貴神速機不可失宜及其未定而擊
之遂直前衝貴軍獲戰船百餘貴敗走伯顏上其功
加定遠大將軍十二年攻常州謁只里造雲梯繩橋
以登遂克之奉省檄徇安吉諸州皆下十三年宋降
伯顏命謁只里監守其宮號令嚴肅秋毫無犯入朝
錄功遷昭勇大將軍未幾拜鎮國上將軍浙東宣慰
使鎮守紹興十九年卒年四十二子亦迭溫襲為萬

戶累遷江東廉訪使脫脫淮東宣慰使

鄭溫

鄭溫真定靈壽人初從中書粘合南谷南征有功為合必赤千戶從丞相史天澤為新軍萬戶鎮撫憲宗征西川溫四月不解甲天澤以溫見具言其功帝曰朕所親見也賜名也可授都賞以鞍勒還至閬州奉旨分軍守邏青居釣魚等山天澤命溫統四千人警邏釣魚山中統元年佩金虎符為總管三年李璫叛詔溫以軍還討至濟南大軍圍其城賊將楊拔都等乘夜斫營溫力戰至黎明賊退諸王哈必赤丞相史

大澤厚賞之七月城破命溫率兵三千往定益都以功復受上賞命為侍衛親軍總管至元六年進懷遠大將軍右衛副都指揮使九年詔溫統蒙古漢人女真高麗諸部軍萬人渡海征耽羅平之十二年陞右衛親軍都指揮使率二衛軍萬人從攻岳州江州沙市潭州皆有功平章阿里海涯實錄十鈔十四年入朝遷昭勇大將軍樞密院判官十八年改輔國上將軍江淮行省叅知政事抗民飢出米二十萬石糴之俄賜以常州官田三上頃二十二年召還二十三年陞江浙左丞相命以新附漢軍萬五千於淮安雲山泉

塘立屯田二十八年卒年八十一子欽利用監丞

雅茶哥運使銓右衛親軍千戶

給袁州路判官

...

...

...

...

...

